



三才圖會  
卷之八  
雜考  
鐵

鐵

ル 5  
1111  
10



1111  
卷 10

蠶叢國詩 四章

漢古辭



川產惟平其稼多黍旨酒嘉穀可以養父野惟阜邱彼稷多有  
嘉穀旨酒可以養母祭惟月孟春獮祭彼厓永言孝思享祀  
孔嘉彼黍既潔彼儀既澤蒸命良辰祖考來格好古日月明  
明亦惟其夕誰能長生不朽難獲 惟德實寶富貴何常我思  
古人令聞令望

淫豫歌 樂府 李膺益州記云澗瀕堆夏水漲沒數十丈  
其狀如馬舟人不敢進故曰澗瀕又曰猶與言舟  
子取途不決水脈故猶豫也  
樂府作淫豫坤元錄作尤豫

淫豫大如象瞿塘不可上樂府  
淫豫大如幞瞿塘不可觸南史 李自詩五月  
不可觸猿聲天上哀

卷十八

藝文續下

一

淫豫大如鼃瞿塘行舟絕淫豫大如龜瞿塘不可窺類

灘頭白渚堅相持倏忽淪沒別無期水經注

灩澦大如馬瞿塘不可下梁簡文帝灩澦歌

灩澦歌 孝子傳庾子與扶父柩過瞿塘六月水泛子與禱而遂平既過泛溢如故人歌之曰

灩與即灩字如牛本不通瞿塘水退為庾公

龍牀灘謠圖經

龍牀如拭濟舟必吉龍牀彷彿濟舟必沒

峽中行者歌宜都山川記云峽中猿鳴至清山谷傳響洽洽不絕行者歌之曰

巴東三峽巫峽長猿鳴三聲淚沾裳巴東三峽猿鳴哀猿鳴三

聲淚沾衣杜甫詩聽猿實下三聲淚

黃牛歌

朝見黃牛莫見黃牛三朝三莫黃牛如故李白詩巫峽夾青天

可盡青天無到時三朝見黃牛三莫行太遲三朝又三莫不覺鬢成絲

大唐中興頌

唐元 結

天寶十四年安祿山陷洛陽明年陷長安天子幸蜀太子即

位於靈武明年皇帝移軍鳳翔其年復兩京上皇還京師於

戲前代帝王有盛德大業者必見於歌頌若今歌頌大業刻

之金石非老於文學其誰宜為頌曰

噫嘻前朝孽臣姦驕為昏為妖邊將騁兵毒亂國經郡生失寧

大駕南巡百僚竄身奉賊稱臣天將昌唐繫睨我皇匹馬北方

獨立一呼千麾萬旗戎卒前驅我師其東儲皇撫戎蕩攘羣兇  
復復指期會不踰時有國無之事有至難宗廟再安二聖重歡  
地闢天開蠲除祆災瑞慶大來兕徒逆儔涵濡天休死生堪羞  
功勞位尊忠烈名存澤留子孫盛德之興山高日升萬福是膺  
能令大君聲容法法不在斯文嘉陵東西中直聞溪石厓天齊  
可磨可鐫刊此頌焉何千萬年劍州志

按中興頌厓厓碑在湖廣祁陽縣浯溪口故云湘江東西中  
直浯溪今劍州亦有刻者豈以明皇幸蜀會此駐驛而顏魯  
公又嘗宦寓蓬州地之相去甚近當時人心有感於斯求書  
而刻之耶然此竟以嘉陵為湘江以聞溪為浯溪則誤矣故  
鵬務悉改正之

撥穀歌

李白

白帝城邊足風波瞿唐五月誰敢過荆州麥熟繭成蛾線絲憶  
君頭緒多撥穀飛鳴奈若何

先民謠見古碑

大饑不饑蜀有蹲鴟大旱不亂蜀有廣漢

巴女謠

于鵠

巴女騎牛唱竹枝藕絲菱葉傍江時不愁日莫還家錯記得芭  
蕉出櫂籬

商州七盤十二繞謠見王莽傳

繞雷之固南當荆楚

黃金縣謠見王應麟地理通釋

三首邊方備覽

卷十八

藝文續下

三

山水艱阻黃金子午張鵬翮曰黃金峽子午谷俱在洋縣境東

太白山謠見太平寰宇記

武功太白去天三百張鵬翮曰太白山今隸郿縣俗云山下軍行不得鳴鼓角鳴則疾風暴雨立至

孤雲兩角諺見葉廷珪海錄碎事

孤雲兩角去天一握張鵬翮曰山在南褒巴通之間三日至巔絕高處名孤雲兩角

土軍謠正德初流賊倡亂取土官領兵所過殘虐十倍於賊巡按御史王綸舉奏去之其諺云

流賊來梳梳我土軍來篋篋我鵬翮按諺近樂府故附于此

題嘉陵驛

武元衡

悠悠風旆繞山川山驛空濛雨似煙路半嘉陵頭已白蜀門西更上青天

悼蜀

宋張詠

蜀國富且庶風俗矜浮薄奢僭極珠貝狂佚務娛樂虹橋吐飛泉烟柳閉朱閣燭影逐星沈歌聲和月落鬪雞破百萬呼盧縱大噱遊女白玉璫驕馬黃金絡酒肆夜不扃花市春漸作禾稼莫雲聯紈綺淑氣錯熙熙三十年光景倏如昨天道本害盈侈極禍必作當時布政者罔思救民瘼不能宣淳化移風復儉約性情非正直多為聲色著從欲竊虛譽隨俗縱貪攫蠶食生靈飢作威恣暴虐佞罔天子聽所利唯剝削一方忿恨興千里攘臂躍火氣烘寒空雪彩揮蓮鍔無人能却敵何暇施擊柝害物黷貨輩皆為白刃爍瓦礫積臺榭荆棘迷城郭甲第鏤苔蕪庭

軒喧燕雀斗粟金帛市束芻羅綺博悲夫驕奢民不能飽葵藿  
朝廷僉元戎帥師盪兇惡虎旅一以至臬巢一何弱燎毛焰晶  
熒破竹鋒熠燿兵驕不可戢殺人如戲譁悼耄皆麗誅玉石何  
所度未能翦強暴爭先謀剽掠良民生計空賒死心殞穫四野  
構豺狼五畝孰耕鑿出師不以律餘孽何由却俾夫熾蜂蠆寡  
術能籠絡邊陲未肅清胡顏食天爵世方尙奔競誰復振蹇謬  
黃屋遠萬里九重高寥廓時稱多英雄才豈無衛霍近聞命良  
臣拭目觀奇畧

雲安監勸學詩 并序

湯谿之濱編戶千數百家雲安監在焉其山巖而高踞  
据相揖環合四面其然洪且遠清甘湛碧紫回曲折皆

王日翬

秀美也紹興己卯八月潼川王日翬沿檄而來周覽氣  
象因謂知監程公曰予聞山深而猛獸藏水廣而巨魚  
游地靈則傑人出蓋理之常也觀茲氣象必有當時聞  
人者出焉程子曰唐之季有希元者官至上柱國僞蜀  
時有寅遜者仕為侍郎皆幸氏也予曰予言豈不信哉  
程公曰自是賢能之書亦幾絕矣予曰百步之內必有  
芳草豈有千數百家而無一賢一能之可書者邪非父  
兄不能教子弟則子弟不能從父兄之教矣程公曰此  
地有三牛馬嶺二山舊傳三牛對馬嶺不出貴人出鹽  
井土人用是不以仕進為業唯貨利之從意者非山川  
所宜雖皓首窮經無益矣予曰此誰氏語邪程公曰按  
石刻漢廷尉扶嘉之語嘉母如遇龍而娠嘉故其言人  
信之予不覺喟然曰傳者既誤載諸石者尤識之淺也  
其言鄙俚如是可傳以爲信耶且廷尉既生於靈異亦  
必賢哲之士安得鄙俚之言哉蓋田夫野老之言後世  
指以爲嘉言非也使其言而可信則幸氏二人得生此  
上邪斯民不知前賢之慕而惟俚言之信則亦記諸石  
者罪矣君子不知前賢之言苟有言焉必將有補於世以  
鄙俚之言爲賢哲之言評賢哲之言塞人才之路吾知  
斯人必無後也且蜀之言評賢哲之言塞人才之路吾知

雲安古湯谿

缺四字

濱無室不鹽煙無民不樵薪士子獨希

梓州見國史亦鹽監之類也有射策為天下第一者曰  
 蘇易簡蜀之西仙井監地曰三峒亦三牛之類也亦有  
 策蜀為天下第一者曰何棗二人皆至宰相又仙井誠  
 泉所出尤多而貴人亦尤多至今顯宦名儒相繼不絕  
 豈謂井之所出則無貴者出耶程公曰然願書以為訓  
 予曰石刻之傳不廢則湯谿之士不振予其可以不斂  
 辭哉然仕者亦不可不勉凡人之學所以修身而已非  
 先期于必貴而後學也誠能修其天爵則人爵雖不從  
 不失為君子豈可以貴不可必而遂至於不學是惑歟  
 揚子曰人而不學雖無憂如禽何且夫地之美者生嘉  
 禾而農事不至則禾不生山川雖秀而士不知學則貴  
 人不出公須廣諭而勸之俾父詔其子兄詔其弟舍錐  
 刀之末利祈高隆於門閭為子弟者從父兄之教勿荒  
 於嬉勿詭于隨隆師親友雖遠不憚博學力文始終不  
 輟則磨以歲月必有英才儒士為時而出中才者亦必  
 能取科第邀富貴貪利之風化為衣冠之俗矣程公曰  
 四十韻其詩曰

少雖刀事艱辛我因沿檄來暇日聊咨詢谿山秀且清湛碧高  
 嶙峋衣冠杳不報敢問夫何因盛言漢廷尉有語詒鄉鄰三牛  
 對馬嶺有井無貴人斯言既篤信詩禮不復聞我聞為咨嗟此  
 語深非仁儒風一旦掃有甚遭燒焚因言廷尉者其生豈不神  
 既稟神靈姿寧非賢聖倫安得鄙俚語千載愚斯民斯民有幸  
 氏貴豈無足尊唐皇上柱國偽蜀掌絲綸遺誥尚可攷苗裔亦  
 詵詵後生宜可畏况逢堯舜辰如何三百年自棄甘煨塵前賢  
 不知慕俚語常書紳不知非格言野老相因循為言聽我語蜀  
 氏初頑嚚文翁為益州化蜀與維新英才出王馬繼世揚子雲  
 詞章藹當世至今耀清芬自爾吾蜀士文學多彬彬乃知湯谿

士未必無國珍珠磨始成器匪卽爲荆榛我雖非文翁志使風俗淳亦非好辯者示勸聊諄諄公侯寧有種自致唯斯文蜀學乃孤陋師友與隆親又當聽我言旣學須能勤不勤如不學勤學始成身窮兮世巨儒達兮國名臣唯恐學不至學必無沈淪如不學爲名不如復煎熏十邑有忠信見者希能遵會觀集歲後後造來閭閻一成詩禮鄉舉充觀國賓

八陣磧

蘇軾

平沙何茫茫髣髴見石菴縱橫兩江上歲歲沙水齧孔明死已久誰復辨行列神明非學到自口不留訣至人心已悟後世徒妄說自從漢道衰蜂起盡姦傑英雄不相下禍難久連結驅民市無煙戰野江流血萬人睹一擲殺盡如沃雪不爲久遠計草草常無法孔明最後起意欲掃羣孽崎嶇事節制隱忍久不決志大遂成迂歲月去如瞥六師紛未整一日英氣折唯餘八陣圖千載壯夔峽

八陣磧

蘇轍

漲江吹八陣江落陣如故我來苦寒後平沙如片素乘高望遺迹磊磊六十四遙指如布碁就視不知處世稱諸葛公用眾有法度區區落褒斜軍旅無濶步中原竟不到置陣狹無所茫茫平沙中積石非隊伍獨使後世人知我非莽鹵奈何長蛇形千古竟不悟惟餘桓元子久視不能去



三省邊防備覽

灘石八陣圖

王剛中

我生孔明後相望九百載我想孔明賢巍然伊呂配奇謀勇畧  
誇雄師大節英風蓋當代木牛流馬何足言八陣遺蹤千古在  
我行已度瞿唐門長灘石壘差參分洪纖高下尺寸等猶有當  
年節制存四頭八尾觸處首敵衝中央兩皆救握奇如樞運無  
窮七縱七擒仍敢攻規模黃帝已垂文後來得者惟將軍唐宗  
李靖拾遺意樂舞旛表徒續紛長江之上石蟠結江波洶涌石  
不滅使君何事遽剷除一夜風雷吼天闕明朝仍舊石縱橫神  
物護持人已驚向來守蜀用此法誰知石壘真金城嗟呼孔明  
遇不遇遇則劉公恢大度國險地狹民力微法出萬全勢未具

嗟呼孔明以此用於吳長江內固魏可圖嗟呼孔明以此用於  
魏掃平三分歸一籌祇應所遇勢不同勢既不同功亦異嗟呼  
孔明之心如石堅欲扶漢室還中原事之不就則天耳安肯俯  
首從曹袁嗟呼孔明如生石不老後世用兵無草草忽然變作  
六花看便失本真難按考請觀壘石韜機籌江流東去自悠悠  
英豪得此石外指長與君王靖邊壘

奉陪安撫太卿登八陣臺覽觀忠武侯諸葛公遺像偶成長句張 嶺

白帝城西魚腹浦十月江平見津滸當年累石紛成行此地臥  
龍經講武轅門外建巖中權陣有壁壘一門東出列陣相承存後伍八陣又列數何人蛇勢識常山未數魚麗矜鄭拒懸知精神貫金石

尚想號令嚴鉦鼓老兵料敵應疑生川后激波其敢侮向令赤  
伏有遺符下現皇州直指取云何遺跡司神明獨斬豐功被寰  
宇高城置酒供臨眺往事興懷增歎撫巍然王佐三代前信矣  
名言照千古

謁丞相祠步張公韻

李說

登開濟堂俯入陣圍觀新帥張卿與侍郎林公舊題倡  
和皆慨想當時英烈嘆誦久之惟讓東流嚙城入江且  
為民病願以不能轉石者  
一轉茲水輒借韻賦之

人言忠孝不磨滅神物護持存水滸千年陵谷幾變遷此石不  
移自章武本由黃帝古兵法六十四以八為伍髯孫且懼生達  
走賊操遊魂何敢拒刻銘沙伏水底碑有圖銘巨石  
今伏水底教戰石存

山下鼓

山下有石鼓相傳為教戰之鼓

一片丹心天地間萬世聞風猶禦侮我

來起敬凜如生再拜一言公心取讓流東截陣圖前浸隳城壁  
頽民宇能安卷石止波流願回讓患思民撫常使夔人知感公  
碣磧年年弔千古

刺瀆淖

范成大

瀆淖盤渦之天者峽江水大則有之或大如一間屋相傳  
小行峽底遇暗石則起已而下旋為窩然亦未嘗有定  
處或無故突然而作巨測也舟行遇之  
小則故傾大則無濟險惡之名聞天下

峽江饒暗石水狀日千變不愁灘瀧來但畏瀆淖見人言盤渦  
耳夷險顧有間仍於非時作未可一理貫安行方覺穀無事忽  
翻練突如湯鼎沸翁作茶磨旋勢迫中成窪怒霽外始暈已定

稍安慰儵作更驚眩漂漂浮沫起疑有潛鯨嘖勃勃駭浪騰復  
 恐蟄鼃忤篙師瞪視魄灘戶呀雨汗逡巡怯大敵勇往決鏖戰  
 幸免與濟入還憂似蓬轉驚呼招竿折奔救作竿斷九死船頭  
 爭萬夫石上牽旁觀兢蒲冰撒過捷飛電前余叱馭來山險固嘗  
 徧今者擊楫誓豈復憚波面澎澎三峽長颯颯一葦亂既微掬  
 指忙又匪科頭慢天子賜之履江神敢吾玩但催疊鼓轟往助  
 雙艣健張鵬粉曰此橫淖即漢江舟子所呼

涪州江險不可泊入黔江艤舟

范成大

黃沙翻浪攻排亭潰淖百尺呀成坑坳窪眩轉久乃平一渦熨  
 帖千渦生篙師絕叫歐川靈鳴鏡飛度如奔霆水從岷來如濁

涇夜榜黔江聊濯纓玻瓈澈底鏡面平忽思短棹中流橫釣絲  
 隨風浮月明

彌牟鎮孔明八陣圖

王剛中

我稽八陣圖規模載方冊竭來鎮西蜀夔門觀疊石賦詩有數  
 字字字究來歷進涉漢州西彌牟鎮之北平原列堆阜灘石同  
 一式細思作者意孔明有深策高岸或為谷灘石存遺跡江海  
 變桑田平原猶可覓故令兩處存千載必一得再歌遂成篇當  
 有智者識

曉發金牛

陸游

客枕何時穩匆匆又束裝快晴生馬影新暝坼花房沮水春流

綠嶠山曉色蒼阿瞞狼狽地千古有遺傷

山南行

陸游

我行山南已三日如繩大路東西出平川沃野望不盡麥隴青  
青桑鬱鬱地近函秦氣俗豪鞦韆蹴踘分明遭苜蓿連雲馬蹄  
健楊柳夾道車聲高古來歷歷興亡處舉目山川尙如顧將軍  
壇上冷雲低丞相祠前春日暮國家四紀失中原師出江淮未  
易吞會看金鼓從天下却用關中作本根

白帝城

曾慥

白帝城頭路逶迤一徑遙高堂臨峽口暴雨沒山腰隔岸漁施  
網橫江鐵貫橋神妃翻覆手願賜雨聯宵

修越嶺關成書事

此詩修路人胡大朝得于土中

明關南道蕭丁泰

依劍隘神州

關雄關嶺上頭一水迴環江月曉羣峯橫

鎖嶺雲秋捫岑倘可窺秦甸扼險無非控上游所願震隣烽火  
息公餘長得此夷猶

危樓矗矗依天開班馬蕭蕭畧地來霧擁貔貅迎畫戟雲連鴛  
鴦接瑤臺臨流共有澄清志濟世誰堪鎖鑰才笑我登高不能  
賦起彈短劍坐啣杯

獨架橋

方孝孺

名爲不祥器斯理昔未覺及茲困奔走始嘆立論確險哉七盤  
山羊腸凌巘嶠三年八往返顛顛髮早皤此行當盛夏溽暑暹

餘雪晝伏避蚊蚋宵征越林薄危橋滯衰水俯瞰波流惡鑿石  
勞眾工緣崖構飛閣下扶千柱壯上倚浮雲弱怒雷地底鳴懸  
瀑厓際落山中郵傳少過客資棲泊勞者務苟安寧思非所托  
更闌急雨至洪濤相噴薄鬼神助晦冥天地混磅礴病身倦輟  
轉酣寢絕疑愕晨興宵景澄林壑還可樂有生大化中萬變相  
綜錯所遇聽自然何處匪安宅厯聘魯中叟詠歸沂上客勞逸  
命分殊順俟安可擇

黃沙驛

甘爲霖

關塞西來日未斜綠楊紅杏映黃沙野蔬鮮伴雞鶩菌活水香  
烹雀舌茶雲外山川殊近蜀眼前泉石宛如家翻思十載經塵

士何幸今逢境獨佳

出連雲棧

楊一清

雞頭關下石杈杈傍險憑高此駐車一水縈紆通漢沔萬峯迴  
繞控褒斜雲中板閣燒難絕谷口篋管翠欲遮蜀道秦關俱莫  
論如今四海正爲家

望紫柏山

趙貞吉

紫柏山前車馬道道上紅塵滅飛鳥塵裏行人不知老竭來幾  
度歸山好年少歸山心不了年老歸山悔不早君不見京洛紅  
塵多更深英雄着地皆平沉

雪山天下高

周洪謨

三省邊陲傳覽  
巨靈學斷崑崙山移來坤維參井間內作金城障三蜀外列礪  
礪居百蠻自昔蠶叢始開國千巖萬谷積寒雪疑有五城十二  
樓玉色玲瓏界天白光聯銀漢霏素虹六月大暑飄寒風俯見  
五嶽在平地遙窺三島皆溟濛此去石紐無幾許昔鍾靈秀生  
大禹當時自此導江流至今名垂千萬古

眉山天下秀

周洪謨

大我兩山相對開小我迤邐中峩來三峩之秀甲天下何須涉  
海尋蓬萊昔我登臨彩雲表獨騎白鶴招青鳥石龕石洞何參  
差時遇仙人拾搖草丹崖瀑布聯天河大鵬圖南不可過晝昏  
雷雨起林麓夜深星斗栖巖阿四時青黛如繡繪岷嶓蔡蒙實

相對昔生三蕪草木枯但願常出三蕪輩

瞿唐天下險

周洪謨

兩崖壁立何險巖巴東大江如一絲杜宇神功渺何許堯時餘  
燼誰復知中流灑瀨實挺特如牛如馬夏秋月怒濤掀天萬壑  
雷巨漩觸石千層雪湯湯東去幾洄灣虎頭狼尾如聯環赤甲  
下映人鮓囊黃牛高抗鬼門關憶昔英雄割據日楠木爲梯上  
絕壁只今四海盡爲家鎖江鐵柱存何益

巫山天下奇

周洪謨

靈鼇一動海水翻三山飄流無定根岱輿忽失十二峯萬里飛  
墮夔之門仰挹銀漢洗青翠俯看長江似衣帶地森玉筍青雲

端天開罨畫彩虹外山間神女栖陽臺芙蓉爲貌玉爲腮如何  
朝莫弄雲雨却使懷襄相繼來無乃宋玉善蠱惑託爲怪誕荒  
淫說只今高崖紫蔓間惟有猿哀聲不絕

鳳嶺

國朝 果親王

寶雞已無聲仙鳳猶鳴嶺閣道亘虛空木末過人影天梯屈曲  
連捫參還歷井驂鑣歛斷續散墜如旋更石作竒鬼爭岬露青  
鋒穎吼雲朔氣勁漱玉飛泉冷古戍松林深高隱紫柏靜大谷  
新開道斗絕武休境秦山勢欲斷隴水聲方哽關河忻漸詰上  
俗得周省惟與 帝鄉遙回颯時引領

樊河橋

蕭相國追韓淮陰侯至此

孔昭焜

天意原無滅項心韓侯亦是漢亡臣可憐一夜寒溪漲腸斷千  
秋虞美人

自草涼驛至鳳縣

孔昭焜

仰陟萬山巔俯躡絕澗底磊磊山上松漈漈澗中水山重水更  
複登降良無已茆屋有愚公掬水茹松子愚者不物役爾智物  
役爾

飛仙嶺

李念茲

危棧轉山腹飛閣被崇巒旭日斜高照簷楹沃且丹微徑循石  
脊曲折如蟲緣我行隨他人不得窮躋攀憶昔出函谷方春捫  
嶽蓮繫屐玉女峯酌酒天池邊西顧雪嶺白東望滄溟寬萬里

在宵臆夜宿青雲端胡爲年齒暮反遭俗累牽妻子亦何人驅  
我數往還誓歸斲黃精一食生羽翰

空山行

鳳縣道中作

許孫荃

驅車九折坂四顧殊險艱熊羆隨我後虎豹當我前百里幾居  
民茫茫鮮炊煙有時見茅屋或剩三四椽瘦妻面復黑稚子衣  
不完觀其所耕地半在木石間磽确驅策勤牛力業已殫自從  
遭喪亂雞犬亦罹患此方爲孔道誰肯恤凋殘歎息問窮黎汝  
何守空山

五丁峽

王士正

南窮石牛道崑崙下雲棧三日招我魂足踔目獨眩豈知東峇  
州耳目益奇變始過金牛驛樛嶠已凌亂漾水從北來劣足泛  
鳧鴈舉頭嶓冢山峩冠倚天半大哉神禹功從此導江漢漸入  
五丁峽譎詭駭聞見斗壁何猙獰十萬磨大劍攢羅列交戟茫  
昧通一綫亂水殷峽中鮫唇喜瀾汗仰眺絕圭景俯聆競雷抃  
九鼎鑄神姦到此百憂患東方牧犢兒竟使蠶叢判我行忽萬  
里風上異鄉縣身落大荒西終賴皇天眷咄咄復何言艱虞一  
身賤

雞頭關

王汝驥

征馬鳴蕭蕭澗水流潺潺水鳴何嗚咽馬鳴多哀酸借問客何  
之言上雞頭關一綫羊腸路裊裊上青天上千仞壁下有百



丈淵驚風吹落石洪流盪奔湍危途無返轡微生寄征鞍靡靡  
遵木末遙遙造雲端故鄉杳何許天路安可攀側聽隴頭吟感  
我涕洟瀾

輓劉醒薌二尹

陳 祁

節義本天性死生見定力卓哉劉二尹浩氣滿胸臆愛讀忠烈  
傳義憤形於色每謂官雖卑終當思報國丙申七月秋山陬生  
鬼蜮二尹本閒曹守土非其職慷慨昂丁壯登陴衛社稷城破  
身被創男兒羞避匿清池我死所肯使豺狼得身死尚持刀爲  
厲思殉賊高節並同堂爭把綱常植大吏上之 朝優卹隆恩  
特事跡士民悲姓名鍾鼎勒作詩俾傳世永作人臣則

次漢中府

王士正

路遶襄斜夢故園今朝風物似中原平蕪蹀躞連錢馬近郭參  
差橘柚村萬壘雲峰趨廣漢千帆秋水下襄樊只愁明日金牛  
路回首興元落照昏

漢中府

鄭日奎

興元自昔號雄都四際雲山入望殊棧閣北來連隴蜀漢川東  
去控荆吳寒烟不散五丁峽兵氣遙懸八陣圖往事只今同逝  
水春風歲歲綠平蕪

大安驛

鄭緒章

舊地三泉溯昔年凋殘破驛冷荒煙雲封熊館蠶叢暗雪壓龍

三省邊防備覽  
門閣道懸巴子有船多激磴羌人恒業但燒田而今三戶遺民  
少滿目蒼涼一慨然

五丁關

鄭緒章

五丁關上碧雲寒百尺懸縷陟降難惡雨欲將龍耳割看山不  
愛虎牙攢當年力士蠶叢判此日金牛驛路寬禹版梁州通貢  
久浪傳合作子虛觀

老林搜捕道上

周書

邊警輕裝入老林亂山稠疊白雲深凌晨露氣侵征轡破曉霜  
華上短襟黃葉西風沈古戍蒼藤寒雨結秋陰年來投筆封侯  
志一半消磨到苦吟

由漢中至興安相距七百里陸有高山峻嶺之險水有奔  
灘觸石之危前時學使觀望不前幾及二十年矣余不  
忍以一人之逸而弗恤千百人之勞也爰因諸生之請  
而曲就焉入試院率成一律以告後之同志者

康熙丙辰學憲王雲錦

不辭險阻赴金州爲憫寒生跋涉憂曲磴千盤凌絕巘危磯百  
尺駭中流觀風使節應須錄叱馭臣心肯少留甘載賢關看再  
闢 聖朝文教暢遐風

題張問齋明府焚玉錄

陝西糧道盛惇崇

嘉慶初南山教匪不靖興郡地當其衝尤被荼毒後張

問齋攝篆洵陽采邑中被難捐軀者各作小傳並系以  
詩爲焚玉錄重其有關風化因題長句於後  
哀哉玉石竟同燬音節終無湮沒理一編讀罷夜燈殘獵獵英  
風生滿紙青燐碧血千秋悲空山寂寞誰人知賴君椽筆闡遺  
事流傳直抵曹娥碑

庚寅閏五月志異

董詔

漢南庚寅夏閏五漂風烈烈吹急雨翻盆鎖作三宵聲裂帛遂  
見百川聚水立驚濤萬馬隊磯飛駭浪千牛弩灘束立石隘而  
妨平疇旋洩迴瀾怒北城蟻附趨南城回望東西郊成浦綢繆  
寧無偃虹隄鼠窟螳曲焉從補况復北門仍舊貫波頭高於閩

下土潰穴紛建屋上甍排闥直鳴地中鼓崩墻破壁雷殷山震  
瓦搖樓衝撼槽羊豕貓鼠鷺鷥雞飛不得泊浮無滸急非范涇  
或騎危信異微生多抱柱拯船甚於千金壺簸蕩熾向高檐庶  
經夕渺瀰勢漸退納汗復憂茹不吐崩峭忽驚溜穿石就下旋  
如矢脫弣哀我人斯終歲儲半付東流半爲腐中丞聞變單騎  
至戴星纓泥親拊撫徐度高庠物土方細審墊溺詢比戶陳奏  
請增埔五雉承 詔先給家二鬴三時而畢民困蘇一隅不  
遺 皇仁溥集澤已息鴻羽肅陵淵寧俟象齒午

辛卯五月志慶

是歲四月六隄告成監工玉山王公行有  
期矣忽靈霖至於五月漢水暴溢環隄至

於舊痕  
而退

董詔

戎民已獲生聚樂不謂陽侯仍肆虐瀾漫勢藉浹旬雨大澹枝  
川紛噴礮跳波老魚樹間舞隔岸千艘山際泊瀏奔竹箭雷湧  
浪狂突若欲未陣薄循墻浸板乘隙抵擬將狂飈振秋稔豈知

聖主勤民事早移高陵封深壑隱以金椎土剛鹵脫其汲  
版痕垠塢水正而栽不日成峭壁已住馮馮削當衝造積箱山  
骨如生如附齒駢齶隱然可厥不可激置我衽席覆以幕何來  
波臣騁故智推濤揚波逞不若浩蕩直欲凌截窠進不能勝空  
抵閣高墉無事射潮弩危磯已鋸破浪鏑半陔徒浸南山根五  
堆自鍵北門鑰有源固異涸可待莫繼終看勢漸却傍夕中流  
擁浮查蜿蜒遠現雙火燭水陰根陽固其理如有物憑伸尺蠖

振鱗雖未作之而出日儼已露閃爍驚奇託異人共覩歛浪息  
風靜不躍悠然逝處潮陡退潛鱗似受庚申約其日申刻上游  
蜿蜒長十餘丈前有火光如燕雙炬循流而東載陰載雁臺但  
陽隄上觀者詫焉疑蛟蜃之屬也是物過水遂退矣雁臺但  
留新漲痕鳩居不改舊市郭倘非綢繆未陰雨吾民得不復屯  
瘼持載雖緣厚地力補抹終仰 聖人作從茲安堵慶民寧  
終古波澄看水弱

反蜀道難

孔昭焜

人云蜀道難斯言原足警吾獨愛其難中有餘味永谷幽納靈  
籟林虛函清影人自裏遊足山豈闕逸境我遊垂十日中懷猶  
慎惶墮地懸桑弧有生賦萍梗而乃困牖下健步不一騁甘者

苦之梯難者易之柄險夷視其人安危固無定邱垤蹟人足前脩致深省

過饒風嶺詠懷宋統制吳武安拒金事 嚴正基

連山如長鯨到此控鼇背饒風割金梁拔地稱雄最我行涉元冬寥天陟岑遠坡陀窮躋攀馬疲人况頓俯瞰陰厓深目眩更心悸涼霰蔽岫來及肌慄朔吹絕幽類猿升出險悚驚跂絕頂一迴翔弔古攬征轡趙宋昔中興於茲駐戎旆南北紛龍爭天險籌武備寇來勢如山十萬橫鐵騎壯哉節使吳河池遠投袂星奔捍金會遺柑聊奪氣軍聲薄雲霄疾雷走紅燧長驅方怒撐潛師留沓至祖溪聲鼓轟土崩悼垂翅蒼茫闔千霜荒烟翳

戰地探奇亟振襟述往每決皆嗟余萬里行英風緬將帥籌邊意颯然遙岫滴寒翠

五丁關

張邦伸

華山巨靈一掌擘巫峽黃龍通灩石何來壯士傳五丁手持大斧蠶叢闢蠶叢萬仞高極天一聲霹靂銀河穿巉巖一綫緣微徑從此過客爭揚鞭我來適值天陰晦石棧崎嶇行破碎崖邊尚有鑿斲痕關頭不見飛霞佩美女金牛事渺茫東方牧犢誠荒唐君不見梁州蔡蒙已入貢挽輓何勞鏟石岡

沔縣道中

張邦伸

征車東出百牢關天敞平蕪一望間松柏雲深丞相墓棕櫚葉

戰女郎山溪田漠漠杭千畝古驛迢迢路幾灣費老寄居曾卜  
此村前應有落花斑吾鄉費此度先生移居沔縣詩有雲移峯

馬鞍嶺

張邦伸

隔山介馬聲麟麟呼聲不斷驚途人須臾鐵蹄蹴石過石火迸  
裂飛沙塵傍澗穿崖雲際出雲外陂陀二十四羽書為重人命  
輕不到顛翻不敢易綠樹陰濃古驛前馬夫下馬憇征鞍滿身  
汗血垂頭立又有龍媒上層級

朱總戎

張邦伸

朱總戎名射斗貴州人人中虎坐鎮巴西智且武時為保寧總鎮保障西南半  
壁天貔貅十萬歸營伍梁山敗甲膏前軍嘉慶四年經略額侯梁山一戰殺賊四萬

餘人其逃竄者俱為朱總戎截殺鄰水梟雛喪飛怒鄰水賊目包逆率領三千人至閬中朱設炮擊斃

縱橫意氣何桓桓叱咤千人竄如鼠跳梁黠賊冉添元燈火元

宵偷渡船三千齊上嘉陵岸鬼叫神號梓水前嘉慶五年正月十四夜冉添元

雷世莊徐萬福張子總陳得俸五股賊夥會于定遠偷渡嘉陵江約三千餘人各處焚掠愈衰愈多遂至萬餘人總戎

聞之髮上指籥雲逐電日千里戲下材官三百人老虎岩前甘

鬪死總戎帶兵三百人至蓬溪短兵巷戰血裹瘡以一敵百勢

莫當大兵躡後行乍止將星墜落天蒼涼總戎為制軍先鋒以三百人陷陣制軍魁

聞信畏不敢救遂遇害從此賊勢益猖獗縱火燎原晝陰黑哭聲直達劍

關南殺氣遙連涪堰北賊至南部交界富村驛南部令王贊武

充梓潼彰明江油處處告警眾至十餘萬成大震西鄉留守德將軍地中鼓角天上聞

七日七夜黃茅嶺督兵大戰天為傾德將軍楞泰由陝西西鄉赴援二月十八日至廣元  
七日七夜趕至黃茅嶺下視新店子賊巢蟻聚蜂屯佔踞九個山包賊見官兵槍上黃茅嶺遂分四路迎敵官兵鎗箭刀矛盡力勦殺鏖戰兩時之久賽冲阿温春阿穆勒塔忽被重圍箭枝射盡持刀砍殺德將軍一見即帶侍衛將弁兵勇奔救喊殺連天蜂擁前進內冲馬蹄岡裏殲賊首三月初六日德將軍在馬外擊重圍始解 石門塞上陰兵走飛沙撼石自擊撞墮岩撲赴省垣候旨 潤遍山阜十三日追至石門寨賊屯寨上官兵四路進攻聞朱墜岩死者二千餘人 我公忠義寄游魂不敢一刻忘 至尊變為厲鬼日殺賊孤憤直欲排 丹闔扶賊心肝祭公位奉旨陳得俸處死割取兩人心肝以祭朱射斗天下稱快 公道昭彰攝妖魅允宜立廟祀錦屏牲醪一雪英雄淚

夏耘詞

嚴如煜

火雲燒紅日溪澗翻沸湯徒倚柳陰下招風解衣襟却顧杖藜老僂田中央脊背晒漆黑手足交蹶張我與老翁語憊矣待陰涼老翁前致辭穡事官未詳亂苗惡生莠不去田蕪荒拔根期害絕暴之趁朝陽芄芄非易致寧辭汗流滂官但苦炎熱暑節本其常禾長及腰腹稗肥雜青蒼泥深脚難拔芒銳皮肉傷上有蠓蚋嘍下咀巨螞蝗糝糊血滿腿疼痛肢體僵但能秋有穫炎熱固相忘我憫老翁苦聞言重傷徨作苦田家事拮据望登場新穀五月賣幾人隔歲糧豪家飫珍錯墨吏饜膏梁詎知樽中酒炙脂盈其笏詎知甑中飯汗血粒粒藏炎威爾不知冰

三省邊陲傳覽  
水調華堂胡不當烈日赤脚行農莊

諭農詞

嚴如煜

民生在勤儉山農愚不知凶荒實可畏聽我諭農詞南山古陸  
海地腴五種宜上農不須糞收穫多逢時豐年荷天錫菽麥長  
離離種一收屢百堆積如梁茨則輕國賦少荒墾佃租微以此  
輕嘉穀往往生淫思燒鍋滿村落成羣酣酒厄社火與影戲徹  
夜事遊嬉或者呼盧梟一擲拚家貲又或爭牙角百金構訟辭  
甚至餉猪豕蒸穀望速肥天物恣暴殄召殃夫何疑况乃山土  
薄石骨本嶮巖三年爲沃壤五載已地皮雨暘偶失節顆粒難  
預期平川人飽食山民傷阻饑東鄰絕朝爨西家斷暮炊蕨根

野蒿菜青汁流泥匙稱貸向親友同病攢雙眉空腹不能耐鬻  
賣及妻兒迴思歲方富肥甘供朶頤何知遭此閔柴立骨難支  
先民崇淳樸儉者福之基文王西方伯田功服還卑舉耜四之  
日穡事孰敢遲男耕婦女盭胼胝不言疲倉箱雖盈積服食並  
無糜餘三至餘九旱潦能撐持有豐必有嗇當安常念危爾不  
勤與儉酸辛更怨誰我軫爾民苦我憐爾民癡編此鄙俚語警  
誠比農師從此侈惰俗共躋唐魏詩

喜雨詞

嚴如煜

高田泥磊确低田龜坼脆良苗正含胎葉捲莖低曳桔槔力難  
施農人對啜涕時和雨暘若休嘉降上帝神龍現原田鱗而作



形勢須臾雲油油散作雨淅淅廉纖聲徹夜滋潤不嫌細曉復  
降滂沱浪驅溝壑擠連畦新綠抽青陰忽掩蔽早稻粒堅壯遲  
穀亦揚穗村人齊相慶今年又有歲我生無他求亦思飽粗糲  
仰事兼俯畜疇無果腹計甫旱齊戚戚既雨樂泄泄天災降亦  
偶感召緣罪戾勿肆貪而強勿矜作之慧風俗返樸厚屢豐自  
相繼我同爾民喜且明還交勳不然水與旱寧絕堯湯世

祈晴詞

嚴如煜

去年苦霪雨連堡頽嵯峨艱食憫赤子匹馬徂巖阿青青原上  
麥沿澗盈坡陀含苞吐芳穗蒸晒藉陽和層陰氣慘冽根莖生  
病疴山農對於邑村落罷秧歌長吏實不德召災生坎坷一身  
敢自惜奈茲民命何九關號上帝赫斯殛羣魔杲杲出紅日煦  
煦長嘉禾何以承天德永矢政不苛

苞穀謠

鄧林

苞穀苞穀產宜空谷人亦有言青黎水沃浸彼稻田豪強併逐  
同我婦子棄我邦族越阡度陌涉水跋陸爰居爰處就此苞穀  
苞穀苞穀惟隣是卜此邦之人賓至如復亦有姻特先我肯  
告既服爾耕憑此剗牘或降于阿或止其麓高高下下佃種苞  
穀苞穀苞穀伐木乘屋薪錯于門泉汲于澗隙有餘圃春韭  
冬蕪俯取仰拾競得所欲既定厥居安種苞穀苞穀苞穀蜀  
黍惟玉天降嘉種不擇磽确陟彼高岡林有樸椒罇趙其草火

焚其木芟夷蘊崇火耕鋤劓上膏其動來藝苞穀 苞穀苞穀  
預祝重穆紅絨白穗實結腰束山有陰陽氣分寒燠陽坡澇發  
陰坡早熟雨暘時若豐收苞穀 苞穀苞穀粟積捭穫櫛比崇  
墉受天之福慶此豐年賓載剡角不醉無歸苞穀馥郁碩果起  
元復生于剡

赤崩灣 在安康縣西四十里

劉應秋

赤崩灣前古戰場風沙日日下斜陽牧兒拾鏃猶含鏞故鬼生  
燐尙帶光 宋洋州開國侯楊從義子大勳最苦山多邱落少却  
從吳玠與金人戰盡節于此  
嫌漏短酒杯長殘烟斷處迷南浦野店人稀露草涼

鵲嶺關懷古二絕 在洵陽縣東北境宋金和並此關

失名

龍泉長嘯韜霜鐔鵲嶺雄關分北南若使鴻溝能守險饒風底  
事贈黃柑

和議初成兩國安豐陽復隔罷登壇太師功在執牛耳却教將

軍食馬肝 用秦檜醜知金州邵隆事

行次漢陰縣

張鵬翮

一縷寒煙抹翠堆長亭十里菜花開龍山北折藏深霧漢水東  
流咽怒雷毛義舊曾啣檄至方干聞道挂帆回我來獨見雲門  
月猶照當年抱甕臺

宿仙姑碕

張鵬翮

薄暮投荒寺兼程力不勝遠山歸牧豎半榻借詩僧月暗鴉呼

三省邊防備覽

樹風號鬼撲燈鐘聲敲不住催我早擔簦

行次石泉縣

陝西興安府屬

張鵬翮

萬壑千峰鬱不開江城倒影浸樓臺石從漢水波心出泉自秦  
山樹杪來不盡流民晨荷畚無譁戰士夜銜枚時危勝算宜全  
握莫遣妖氛熾冷灰

石泉旅次聞岐郿廂匪警報

張鵬翮

山行歸馬正悠然水木清華繞石泉一自岐西傳豕突遂殺江  
比起狼煙雲封子午谷中路雪阻牛羊河上羈同此離家成浪  
跡請纓偏是讓人先

饒風懷古

張鵬翮

杖策饒風嶺上行摩厓頻認宋屯營五千蒼兕忠魂烈三百黃  
柑敵膽驚剩有蝕碑題戰壘豈無殘戟礮春耕荒山夜半秋風  
急猶作當年萬馬聲

馬嶺

張鵬翮

鳴鞭過馬嶺一綫度林巒玉筍排雲出銅鉦入澗寒相逢人乞  
米時遇客稱干更向江邊望哀鴻不忍看

所見

張鵬翮

未識寰中厄何如我漢南鶉衣多亥叟鵠面半丁男耳食荒能  
救心期 澤早覃自今逢稔歲耕九好餘三

池河

張鵬翮

伊誰工附會直水改池河池河即水經直水田美高低繡街長斷續多

短亭圖臥虎仄徑跨疲羸幸未豺狼遇行行返邵窩

牛山廟

唐金州刺史崔偉祠事詳王氏見聞錄

張鵬翀

仙傳太白欵重關命掘黃腰靖孽頑一代勲成金桶水千秋祠

背玉屏山精忠自復岷峨駕大惠長畱宇宙間靈異至今神感

召崇朝甘澍救民艱

郡人遇旱禱輒獲霖

登秦嶺絕頂

張鵬翀

欽寄太乙冠神州秦雍形方一望收眼底岐周雲接壤袖中涇

渭氣橫秋驚心雪阻昌黎馬入骨寒侵季子裘萬里終南今歷

盡回頭翻憶漢江流

輓曾明府

洋縣令

王沅

世變有奇劫士窮有奇節劫肆虎狼威節噴忠義血十載妖氛

熾勦撫各有別何期參養卒一旦紀綱裂五郎藩籬破遂摧華

陽堞禍起倉猝間保身競明哲

叛匪起於寧陝鎮破城後延及華陽遂攻洋縣

困獸肆

惇狎焚掠撲洋城孤城卑且頽衆寡復難爭我公誓死守矢志

何忠誠甘與城俱亡不負守土名一心念子姓寧肯惜捐生湯

烙何足懼怒罵炯雙睛慷慨臨大節公死何錚錚大吏痛慘死

撫實奏

天子天子為感動臣節能如此賜恩加崇秩報忠

隆祠祀卓哉真民牧嘉名光國史我聞憤懣結伏枕增嗚咽

憶昔丁巳秋羣兇競剽竊縱橫秦楚交白土雄關設我兄奮忠

勇扼隘防衝決無如賊數萬破壘刀環列胸被十數創罵賊聲  
不絕 聖主憫蓋臣賜卹同一轍 兄樸園合南鄭掛吏議嘉  
慶元年賊起撫軍檄隨營  
二年九月五日賊逆高均德攻平利之白土關樸園守關陘聞  
警李兵勇六百援與都司趙禧均戰死事 聞特 旨照現任  
知州議卹今孔林亦吁嗟乎不謂守土與守關昆弟友朋得兩  
傑

棧道弔蘇將軍 有序

陶澍

將軍名維龍官遊擊嘉慶四年二月教匪張漢潮自三  
全竄唐藏將軍遏之力戰三時大罵赴賊死兵丁焦忠  
孝恐賊毀其尸乃自詭為將軍被賊支解一軍皆盡賊  
退土人瘞其遺骸立廟以祀尋 贈叅將焦忠孝亦

贈于總守備尚謀以觀望被杖自勒死

蘇將軍氣如雲報國淚常熒熒

聞將軍在營中每言及勦賊事  
輒歔歔太息不知者或竊笑之

忽聞有賊至奮起聲如霆

解一或曰賊萬而我五百人百一之勢

懼不敵將軍曰嘻殺賊是吾職丈夫死職耳焉能避鋒鏑

軍馳而左壯士亦皆左將軍馳而右壯士亦皆右將軍愛士得

上心轉戰而前誰敢後 解二賊既不得脫士亦不肯休頽雲慘慘

苦霧合戰血噴起懸厓愁 解四維時日向暮苦戰猶不已手揮魯

陽戈面著雷公矢須臾馬蹄一蹶不起將軍大呼曰吾得死所

矣慷慨而結纓壯士皆死之 解五死之日難民方作壁上觀曰有

焦忠孝同時被寸劊生為烈士英死為雄鬼先為民捍大患配

祀無愧焉六吁嗟乎豺虎縱橫兵雜沓將軍不死必死法初聞從唐

藏衝出有特旨問經畧額勒登保將軍恒瑞巡撫秦承恩所奏皆同遂

命贈邱有加泰山鴻毛等死耳得死為難何用怯君不見閭邱不

救張睢陽身死杖下誰爾傷七

紫柏山張良廟

陶澍

一擊空驚誤副車道旁人已斷長蛇功成忽憶赤松子石隱來  
餐黃柏花竟有前籌匡漢業那無片土屬韓家王孫亦是先朝  
裔悔殺當時躡足差

小留壩

陶澍

落日風聲恐懸崖路乍經人穿豺窟黑峯截馬頭青故鬼吹燐

火辛酉三月教匪冉學勝犯留壩山精避馱鈴沿溪新雨過流響

獨清冷

劍閣

陶澍

萬古蠶叢路崎嶇石閣存三刀開地戶兩劍直天門峽東風烟  
古崖藏日月昏憑虛岷虎壯得勢井蛙尊美女何時入傭才幾  
輩論承平無險要嗟汝勒銘繁

姜伯約祠

陶澍

北伐連年戰鬪勞紛紛被刺倒旌旄猶聞死後將軍膽空拔營  
中壯士刀往事竟成蛇畫足天心已定馬同槽當歸遠志皆虛  
願歲歲祠前劍水號

梓潼過德將軍楞泰戰蹟碑作歌有序 陶 澗

嘉慶庚申春教匪冉添元等偷渡嘉陵江擾及劍州梓潼一帶川西大震將軍輕騎追及擒斬略盡土人感之立是碑也

妖星夜向西川地長蛇吮人血流赭赫然一震迅雷霆將軍旗鼓從天下憶昔么麼煽亂初祭酒鬼卒號嗚嗚始由襄郿及唐鄧遂渡漢沔穿夔巫數千里內肆蹂躪勢若火燎秋原枯卓哉將軍好身手長嘯欲激龍泉吼健銳故是飲飛英叱咤曾合逆苗走有 詔將軍兵竄精指揮更作巴西行西行幾載冒鋒鏑驀澗緣厓事搜剔霜刀不放鯨鯢逃晴空屢見鷹隼擊將軍前後斬獲

刺賊姚之富齊二寡婦高均德高二羅其清冉文遂得籌叅裴

令公謂經略額公將遙看幟樹揚無敵謂提督楊三巴已靖人

可耕移兵北向趨階成誰知晝伏夜復動窮穴突出颯與颯將

軍聞之捲甲返疾馳颯若風雨聲是時羣賊正蠢起我軍新敗

鼓聲死總兵朱射斗戰沒於蓬溪欽鴉得意毛羽張投鞭欲斷

涪江水士女倉黃如亂麻牽衣跣足哭不止將軍下令整且嚴

持滿勿發視吾矢餓鴟忽叫箭滿眼十萬賊人同草靡賊合黃

富青號汪瀛線號陳得俸等十數萬人蜂湧迎戰將軍合軍士

持滿俟賊近乃發萬箭齊出逐擒陳得俸鐵冉添恒冉添元帶

前而窮追五日四接戰手斬鴟狐戮封豕五日四戰射獲冉添

元及楊正明陳國祥鮮其順等冉添元輕騎進解四寨圍歡聲

善用埋伏為眾所推既就擒賊遂大潰

上沸天雲委白號賊張子聰雷世旺等渡潼河焚太和場迫躡  
仁義四寨為賊所攻哭聲震地大軍至潼河兩岸遂肅清賊連  
賊驚遁圍解難民萬餘詣營叩頭而去賊連  
中江三台殺偽總兵張長生等餘賊捨渡嘉陵江追及擊以大  
砲鐵溺殆盡自是賊不敢西渡望見將軍旗幟輒走蜀人至今  
廟祀重脫刀兵事耘耔嗚呼此戰何可無稍緩須臾蜀危矣祇  
今事隔十年來陰雨猶聞鬼夜哀山坡往往拾遺鏃斑瀾血色  
凝蒼苔豐碑屹岫當道路惜無文字鐫崔嵬碑上僅刻將軍官  
大我行棧道繚若線恍惚當年此酣戰如公自是頗牧儔却憶  
潢池誰召變教匪初起建白旗幾人善學孫吳書不如且讀循  
良傳

長壽縣

陶樹

水曲流巴字山長幻壽文縣山作壽字形故名峰巒曾不斷點畫若為分  
毅魄嗟猿化丁巳冬教匪王魂破縣城典史章潮黑賊割腹  
災黎尚鳥耘懸厓凋若滿江邊多石寨皆指點認斜曛

晚泊西界沱寄題秦良玉舊樓有序陶樹

樓在石砭廳署後凡三層中層良玉所居今設像以祀  
所用白桿兵尚存鄧太守說

忠州女子天下奇父是秀才良玉父名葵夫土司天生智勇不  
世出坐令巾幗慚鬚眉詞翰淹通意嫺雅錦袍艷照桃花馬天  
子臨朝識姓名請纓獨對平臺下白桿之兵銳無前巨寇親擒  
射場天弟兄死國身許國平生忠義何皎然陸知州誠可耻肉



眼不識奇女子抽刀斷袖應羞死邵捷春亦庸才坐受屠戮吁  
可哀吾謀不用竟如此嗚呼羣鼠真來哉夔門已失關塞黑忍  
使此身重事賊閉關坐卧小樓中大節直同文相國何須更論  
洗夫人多少麟臺愧顏色

渡白沙經涪門至環珠廟

董詔

西征望梁洋載驅四百里陟巘復降原日日溯漢溪今朝渡白  
沙忽復循其委目極烟波長行共清流駛地幻高卑經躔迷南  
北晷渾將計程勞轉作歸途喜方折俄回流涪門驕然峙屨勉  
陟其巔微徑連岡起崎嶇一舍外盈盈何處水不問漁濱人焉  
知造物偉茲山如驪珠龍抱隨散骸大小黃金南清淺石齒齒  
委折出其間勢如磨旋蟻朝發復暮宿道里紛難紀河游成轉  
轂洄湧激山址隱若環未交來往所行是閭之生長歎徬徨為  
徙倚事非目所經未易憑億擬漢水不西流謫仙虛語耳貴耳  
不貴目人事多如此

魏山吉都護廟

董詔

誰道爾堅石打碎鳴張妄意一字內出頂未合斷流軍逾沔先  
下衝波隊涪城仇池次第降復勒別部陷襄陽魏興獨踣揚益  
勢孤懸一隅壯巖疆至今遺恨吉都護登陴力完急口成輸忠  
初拔三輔身策勲旋督五州務連檣接舫如屯雲舩艘屢殲水  
面軍扼險已搜勅敵忌葦城遂熾數年氛一自援師摧南縣卒

三首遺阿作題  
餒城崩猶巷戰奪刀志屈慷慨心絕粒義赴從容變車騎惟將  
遺表論豈知孤忠壯一門祖徇西朝孫漢上鄰岫血性蓮勺尊  
于今廟食傍漢許猶是當年遺堞土魏山蒼蒼吉水深春蘭秋  
菊長終古吁嗟乎典午山河久消泯猶傳晉氏多忠臣孟威不  
屈彥遠死僅得襄陽箇半人

陳倉古道

董詔

阿房已嘆成焦土棧閣復效楚人炬秦灰一燼不復然炎精蓄  
鋒養漢川從此重瞳無西慮翻然遽作東歸計錦衣方看晝日  
行赤幟潛出故道兵三秦次第傳檄定千工尙役褒中徑方知  
天上下將軍多算早於未戰勝知雄始能守其雌處女脫兔各

一時徒說業從碎斗環豈知勢爲執戟披裼來訪古尋遺道深  
谷茫茫長秋草兩都久向劫灰殘一綫獨與青天老吁嗟乎古  
稱戰勝貴能持禍則每於所忽基不然何爲綢繆陰雨後猶賦  
枕蟲飛鳥詩

紫柏山留侯祠

董詔

博浪沙揮椎目無秦帝車橋下履長跪甘納老人趾祇緣相韓  
五世心致令受書中夜起武關一破入咸陽繫組仇復軼道旁  
舊君獨繫糜鬲念翩向褒中別漢王韓成未封身仍死撫枕潛  
切英雄齒六國反書遺彭城從此甘爲沛公使淒涼中夜楚歌  
聲重瞳嗚咽臣恨平聊分青社封留土豈有黃石得穀城後人

未解名義重功成身退紛相頌豈知艱難百折心用漢原不爲  
漢用鴻冥龍變自倏然進非功名退非仙無端錯會赤松語辟  
穀翻從紫柏傳

石門紀游步岳一山韻

董詔

褒斜曾憶昔年游跋馬巖關乙巳秋往問抱關石門在何處驛  
堠久改隔步幽剥苔剔蘚莫由讀搔首四望生遙愁遐稽三秦  
初捲日由子通午颺旗旂傳檄長驅思歸士風馳電走軫接道  
中間繼遭囂述亂塗蒞荆榛足虺彪永平四載開新道門穿山  
腹躡長流西夷虐殘再梗塞谷盈穹廬戈矛稠子午復循行愴  
陽高摩三霄深六幽闔門久不闔黔首館坻熊羆栖猿猴捷爲

楊君執忠伉審端逕術驅梁朝醜艱卽安由斯道從流而下再  
泮游漢中太守嘉明知西成書佐勒銀鉤大書深刻鑿山骨瑯  
劓丁丁戛鳴球筆如屈鐵張蔡讓文成破體揚班儔墨揚近分  
郭紫超珍之不啻荆山璆萬紙紛傳好事手千秋眞麗榮名休  
連閣幾時改馬道敞關相率上鷄頭面壁莫搖畫腹指撫卷但  
寓尋行眸雖難三日鋪氊坐猶幸百琲錦囊收造積誰談王稚  
紀修棧爭歌賈膠侯况復老矣勸游屐此生此願何由酬開緘  
忽覩紀游作有客探竒自洋州輕舸直艤石門下扼竒據險如  
臯舟盍簪喜同今雨集眞面快與古人謀復云地久絕輪蹄但  
有牧童樵子相勾畱寒瘁倚壁燎枯樵雉頭深恐焚良裘壁碎

圭剝百年後龍騰鼎躍能復如此不聞之浩然歎懷古憂心抽不知何術能使六百一十有七字勿教蟲蝕玉珮冕凋旒

運糧夫

二月廿三日城固運糧夫至洋縣馬舖河遇賊隊捉其一送城固署

岳震川

庖人不治庖尸祝不越代嘉此運糧夫捉賊氣慷慨妖賊臘月

來千百之家喪親愛二月初復來飽肉醉眠竟無尋

城固盤頭寺賊住四

日乃拔營

下旬來者數盈千路熟村空誰能耐來執尚未已百

逢僅一貸我聞二帥明德競向商山趨三輔大郡兵有無見賊

常如縛虎急請君視此運糧夫

賈大司馬修棧詠

黨崇雅

憶昔崔嵬棧道難千峰環峙白雲端參差峻嶺迷高日俯仰重

關枕急湍煉石誰能旋大造移山今喜闢奇觀羨君才力誠名世削盡懸厓路萬盤

河曲兵倩寫家書

岳震川

人門揖我河曲兵倩君為書征戍情家無尊老無弟兄一妻守

舍祝余生初戰在黃官東山士卒幸得完再戰萬壽寺白帕突

前奪赤幟河曲步卒二十八十二肝腦塗埃塵如今城固坐防

禦驍悍盡是同袍侶寇遠江深可無虞善撫男雛飽嬰女嗚呼

萬壽之戰主者何碌碌遂使城洋鬼夜哭昨又調兵當險搯寇

奪軍糧幾千石看爾塵垢滿征衣蒲關河水何時歸

洋縣紀事詩四十韻

岳震川

岌岌黨城危令謁上官去時值嘉平末寇騎紛來覷連幕兩嘉  
 客翰翮皆鴻翥能令四千人持矛集匆遽燈火照寒雲人有麀  
 戰慮典史亦慨慷叫呼夜達曙樂城見令歸近壻為民沮皆云  
 寇已偪遲迴顧徒御我慕太史慈欲以烈膽助大道既梗塞仗  
 劍踏沮洳張生不謂然援兵緊裝揀氣執吞凶逆令歸不痴瘵  
 列營漢水陽殺牛供夜醮軍麾指渭門本非寇虐處堅請趨馬  
 溝毒蟲乃遇度是時防閒諜憲檄日飛駭突來粵東卒豪民驚  
 相語輓粟異郡民帶索兼敗絮遂疑寇入城餓虎求糜麀匹夫  
 操殺戮聞者食弃筋斯舉何鹵莽重典何由恕鑄錯蓋有因鍋  
 客奸謀預高空一燈懸長燄誰教著去年悔失賊駢首落刀鋸

懲罰抱深仁青災亦大歎呼吸危意曲急秋令長又改署王公家齊聽張蓉塘  
胡冷香二君之謀正月十四日約紳士捐金瀆城伊誰之所為  
濠人情踊躍十六日顧明府沂奉憲牌來署洋縣  
 鎮將有毀譽早議濬池功輸金捷于釀洪流不可涉壁立險可  
 據二月又重危獬豸益傲倨聚落損大半尸橫不勝輿五度過  
 城北為魚愁網罟聞賊自楚回不敢溯灑瀕取徑金州東白鹽  
 通吹噓又聞王三槐屯田方暇豫所幸秦涼熟山南禾稔稔  
 聖恩緩田租遺黎悲且悖止戈待何日士馬皆騰飫 兩帝  
 宣重光諸公勤諫疏自古哲王勞六馬稟朽馭  
 已已八月記事洋縣鹽引之多于漢中所屬八州縣余上書方中丞 奏請更法洋民便之

岳震川

三省邊陲傳覽  
五  
黨城萬戶頂 君恩做法而今掃不存言雖可聽人微矣感  
激先生徹 九閩

西城詩三首

王森文

西山田思代田也

西山有薄田歲收八九斛朝割去年麥暮種今年菽耕獲日日  
忙升斗年年縮吁嗟升斗何足憐荒山且向十年看

嵐河曲懷專宰也

暮渡嵐河曲遙望磚坪城斑鳩鳴西塞苦竹生東坪榛莽伏虎  
豹百里任縱橫焉得專城宰釋此鞭長情

襄陽賈閻蓋藏也

襄陽賈販米下荆楚帆檣蔽江江水急西城萬戶餘空舖襄陽  
賈販米亦何補一旦飢民起倉猝爾身何處覓黃土

禦寇詩一篇七章

岳震川

聖清受命九州滌穢日出熿息明陞我代 天威震疊亦克  
以愛始啟遼陽終拓極塞天覆全付選傑抽能贊贊翼翼熙  
帝之繹一德允協歌桓頌賚

五聖傳序天清地寧妖星乍耀肆虐生靈雍豫梁益馳驟輻輳  
禍始枝江蔓延四齡哀我羣黎化爲燐青痛此媿室煙煤飄零  
守令悚惶堅壁畫局

惡木葱鬱盤結株根盜泉浩漭濬其穢原大將持重 陝甘總督  
宜公綿

寇黨益繁克捷匪一渠魁悉存始伏于莽繼逞平原  
嚴旨  
屢降求惡之元將權亟更孰非屏藩

衛驟魯駟戎政以強我騎有數官授驍驩寇入聚落脅引選良  
有違而忝矛刺其吭東序西廡資彼騰驤不屑芻豆飼以杭梁  
力追鮮速國瘼彌狂

我任我輦運輸孔艱寇不裹糧救死誰憊竭肉傾米飽彼凶頑  
既飽焚積烟飛不還又偪農時敵謀益姦春扈趣畊棄牛胥遷  
種不入地奚望有年

國初上將戰皆用奇吳據武關烏道疇追奮威繞背揮刀乘危  
保寧奪橋叫其佳兒三藩連雞摧于熊羆扼仙霞關文臣之爲

三將取鷓鴣神機孰窺

何今用武不與昔同爰爰狡兔不罹罟罟舍奇用正屢戰罔功  
勒侯發令恤我南邦懲昔安舒督今厲鋒我草莽臣憂思無窮

帝望建寮民待歲豐

棧道平歌爲賈膠侯尙書作

宋琬

君不見梁州之谷斜與褒中有棧道千雲霄仰手可以捫東井  
下臨長江浩汗洶波濤大禹胼胝恐未到帝遣五丁開神臯巨  
靈運斧地維圻然後南通巴蜀西羌髻虵盤縈紆六百里千迴  
萬曲緣秋毫懸車束馬弗可以徑度飛騰絕壁愁猿獠漢家留  
侯真婦女烈火一炬嗟徒勞噫嘻乎三秦之人困征戍軍書蠶

午如蝟毛銜校荷戈戟轉粟窮脂膏估客爾何來萬里競錐刀  
須臾失足幾千仞猛虎蝮蛇恣貪饕出險灑酒始相賀燐燐鬼  
火聞呼號秦運開尚書來思如雨露威風雷一呼集畚鍤再呼  
伐薪柴醇醢燒山萬夫發坐看巉巖削盡爲平埃噫嘻乎益烈  
山澤四千歲火攻莫救蒼生災昔也商旅魚貫行今也不憂狼  
與豺昔也單車不得上今也康莊之途足以走連羣犛童巴舞  
貢天府桃笙寶布輸邛岷歌幽風擊土鼓賈父之來何晚哉豐  
功奕奕垂萬禩經濟不數韋臯才中朝袞衣待公補璿璣在手  
平泰階西望劔閣高崔巍側身欲往空徘徊大書深刻告來世  
蛟龍岌業磨青厓金穿石泐陵谷徙我公之功不與伏波銅柱

同塵埋賈中丞名漢復平險爲夷西作歌以頌之歌勒於觀音礪崖石上

賈大司馬修棧歌

梁清竄

君不見棧道高去天尺五馬盡縮足人咸偃山前白骨野火燐  
江岸積骸泣無主中丞巡邊心惻然濬川煉石何今古誰云天  
險不可移五丁曾爲施巨斧積薪一炬石爲坼鍾鑿旣加如削  
腐隘者已濶峴者平寇盡利涉雜商賈昔日百里無人煙行役  
更多豺虎苦中丞極意盡經營伐木成棟茅作宇鳳嶺鷄關似  
坦途中夜酣憩爲安堵回車不用愁王陽開闢功足補大禹吁  
嗟乎天下險阻寧止此人心巉巖難悉數對面戈矛不可避翻  
手爲雲覆手雨吁嗟乎安得中丞此大力盡平世間嶮巖之處



長無迕

蔡中郎郿閣銘碑

施有光

君不見雲書鳥篆恣奇文岫嶼石鼓源流分後漢伯英變今法  
 亞聖草賢接踵闡桓靈之世劉君嗣行書創起推獨異此時更  
 有絕倫人入妙超神非一致曠世逸才屬中郎直言蜿墮至今  
 香餘情潑墨龍蛇走郿閣銘碑尤非常試問碑銘何自始郿閣  
 建自良牧李飛檐懸拱利徒行見者神揚爰作紀高閣銘碑稱  
 二絕滄桑兵燹及磨滅至物還應歸玉樓閣人傾圮碑盡缺真蹟  
 从無一字今所傳者臨摹副本耳昔曾登代陟巔危欲補秦皇無字碑又曾南  
 探金庭遊雁蕩芝函玉冊杳難狀由來奇字不肯落人間蘇碑

斷碣石皆頑欲知世上驚人筆多在寰中未見山

秋穫詞

嚴如煜

雲黏桂黏一齊黃田家十人九人忙東村砰砰西村應腰佩鎌  
 刀肩籬筐湖田到秋熟山田寒露後原隴之間七八月搶寶那  
 能畧停手烏雲蓬蓬起山了雨來多恐禾生芽肘酸掌腫不辭  
 苦辛苦趕收穀到家粒粒都比珍珠顆一穗拋遺怕罪過晴晒  
 乾穀搬上倉中秋纔過又重陽白鵝黃鷄村村有一日之歡羅  
 酒漿就中最苦有貧戶却愁債穀田中量債主踏田收籽粒量  
 去有淚暗汪汪不量明歲誰當借板桶聲停已斷糧幾日妻兒  
 細相商穀登場買鹽鼓縫衣裳到時依然是淡食衝寒却又燃

雪霜連年豐收尚如此水滂旱蝗將何恃奇贏十倍資豪賈擇肥而噬有胥虎不耕自穫厭梁肉世間誰如爾農苦嗚呼我亦腴顏縮符為民牧忍心不念爾農苦

棧閣賊警贈蜀中楊液仙萬貫夫二明經 嚴正基

珊鞭白馬絕塵埃萬里橋邊衝雪來諭蜀不煩司馬檄過秦終愛賈生才使星益部占僊侶舊雨梁州共酒盃難得西園同剪燭卧龍雛鳳暫追陪

虎觀明經並駕看凌雲賦筆亦珊珊竭來擬奏鈞天樂到此翻驚蜀道難未必勲名非我輩好因盤錯勵當官攬槍掃淨聯鑣去漂泊何須悵鳳鸞

躡馬荒岑殺賊忙陣雲不斷接梁洋軍麾未敢希嚴武驛騎誰能置鄭莊多愧書生飛食肉劇憐羈客九迴腸知君雅抱澄清志函谷丸泥定不忘家大人因相匪屬氣捐貲練義勇數百聞警即往堵剿匹馬新從天漢來鯉庭三載復趨陪撫時每切同仇慨投筆誰為濟世才虎旅連雲迷蓋屋蠶叢絕塞夢蓬萊陽春一曲高難和未覺窮途事可哀

桔柏渡

張邦伸

嘉陵出五泉白水來西傾千里滙桔柏江勢始強橫每值夏秋漲山岳驚砰訇憶昔天寶初車駕遷南京龍舟涉巨浪雙鯉夾以行此後患沉溺歲難僕數更元章預封藥叔度幾隕生况經

津吏輩需索到筐篋行人坐渡頭往往淹雲程吾願賢司牧利  
濟勞經營或爲浮梁渡或爲撻漿迎務使往來便毋俾涉者爭  
書以告後世庶幾王道平

夜度七盤關

楊芳

烽燧傳來接帝京焦心日日盼軍情足間邱壑從高下宵次  
康莊自坦平鴉翅寒聲秋半夜馬頭殘夢月三更雲飛棧閣旌  
旗捲敢以身爲萬里城

麻坪河遇鄰人話別

張鵬翥

古木槎枒怪石蹲山行何處不消魂君歸如向柴扉過莫道深  
山虎撻門

羅江道中

張邦伸

臨坎西環平野盡臨坎鎮在鹿頭關南蜀山至此始見鹿頭關外亂山多驛前時  
有金鈴響雨後頻聞瓦鼓歌路入萬安風最古時當十月氣猶  
和淡烟喬木江東句馬上微吟次第過

梓潼道中

張邦伸

潼江百折繞崇岡策馬遙臨石關旁嶺外寒烟迷五婦途中淋  
雨憶三郎行藏莫問君平卜冷煖誰憐季子裝攬轡高歌向何  
處青天一徑走羊腸

劍門二首

張邦伸

梁山環抱鬱岿嶷雉堞崢嶸入望遙鐵騎千年通黑水金牛一

綫上青霄姜公戰蹟餘殘壘張載銘篇寄麗譙天險只今平似  
砥坐看萬里走星輶  
劔峯如戟插天齊十二芙蓉漢水西不是五丁開石棧更誰九  
坂跨霜蹄木棉葉落潼江冷杜宇聲殘雪嶺低徼外百蠻皆人  
貢封關那用一丸泥

樂園太守入老林撫綏至黑河娘娘壩喜雨有作依韵和  
之

鄭炳然

匝月馳驅未解襟災黎尤念此山岑君恩不惜千倉粟民命  
都歸一寸心寒谷花開春有脚芳田麥秀汝爲霖洽洽鐘磬金  
池院遙和春陵五字吟

急口城懷古

晉古挹  
死難處

張鵬粉

天外垣墉俯漢清將軍會此擁干旌析骸屢激殘兵振獨木難  
扶大厦傾辛苦三年嬰勁敵從容一死壯孤營誰言典午山河  
盡終古雲屯急口城

憫山農

張鵬粉

秋深雲入壑露出遠山邨負耒行松杪提籃掘菜根稷成獲競  
餉日落虎窺垣更有堪憐處困空吏撻門

輓增廣生賀君

大成

罵白蓮賊死難

張鵬粉

紛紛逆寇競跳梁草莽書生鬥虎狼心戴一  
天頭可斷氣吞羣醜舌難僵食毛不惜青衿死過墓猶聞白骨香

聖世即今褒節義千秋士壟煥

龍章

輓處士趙含宏父子死白蓮賊之難有序

張鵬粉

安康縣廩膳生趙秉南嘉慶二年五月間白蓮賊耗負其父處士含宏避難賊適掩至見含宏耆年兼以秉南純孝刻不離側遂不加害傍晚含宏見賊淫亂狀怒不可抑大罵之羣賊以刃加合宏秉南哀求身代不許復奮身奪之不得近及父見殺秉南觸石慟罵賊遷怒並刺秉南死

豺狼當道為親謀竊負而逃命不猶瞥見淫形求眼角爭教怒氣抑心頭衝冠老父甘攫刃觸石佳兒也死矛難得亭亭喬梓樹雙懸孝義壯千秋

輓陳玉庭死白蓮賊難有序

張鵬粉

玉庭諱昌璠安康文生也年七旬聞白蓮賊耗諭家人遠避已獨留賊至恫歎開導勸勿蹂躪生民不聽轉迫從行玉庭執大義罵之賊怒剖吻截舌血肉淋漓中猶呻吟罵不絕聲賊遂殺之時嘉慶二年夏五月六日也  
尚哀鄉里浪投豺鳥獸同羣豈我懷忠義薄雲憑寸舌腦肝塗地委殘骸七旬書案終吾志千古常山與子偕任使頭顱藏竊室名標志乘總難埋

輓廩膳生史同心父子死白蓮賊之難有序

張鵬粉

同心諱有蘭持身素謹嘉慶五年四月十五日白蓮賊再犯安康月峽川同心欲入恒口堡避之時堡門已閉堡中人總繩引之同心曰不徑不齎之謂何吾豈為之哉遂之三條嶺適與賊遇迫同心從不可以矛刺腰穴其子箴書挺身禦賊被眾賊圍殺之父子俱斃

妖氛再熾匝林臯恥越城垣凜士操祇恐辱身加白帽遂教熱

血染青袍捐軀有嗣同嵇紹不徑如君見子羔試問偷生隨附者鶴雞并立果誰高

輓文童陳三綱救師死白蓮賊之難 有序 張鵬翀

三綱師事史同心當避難三條嶺時三綱隨之行比同心遇害三綱救之不得隨舉火鎗傷一賊賊糾眾至力攢矛刺死

雲深會記立程門師死何容弟獨存鎗火衝鋒仇已復公矛攢骨淚潛吞當年氣奪匡人魄終古銘旌義士魂桃李栽培君不負斜陽荒墓薦芳蓀

趙烈婦詩 有序 張鵬翀

趙烈婦者今中部縣訓導趙炳妻虞膳生承謙母鄆氏也嘉慶二年五月六日白蓮賊掠至安康縣時烈婦年

甫三十携二女避於賀家壩適遇賊欲汙之即以計誘至懸厓先推二女下隨以身繼之賊繞徑下厓視二女已死憤刺烈婦數矛賊退二女復甦烈婦獨以創重卒

奉天寶氏女捐軀千載聞風烈更殊已陷雙娥全處子還拚一命報厥夫投厓自幸身無類鋌險何知血染襦獨有英魂消不得石牀陰雨現形模

黃烈婦詩 有序 張鵬翀

烈婦安康農民黃應倉妻周氏也嘉慶五年十一月初八日被白蓮賊於厓洞中搜得之迫之行氏厲聲叱罵賊怒縛之並縛其長子與婦俱置積薪上縱火焚之氏於烈燄中罵不絕口而死

誰言巾幗不眉鬚赤燦騰空視若無縱使筋骸投烈燄肯教名教安當塗金投洪冶真精現魚近城門比目枯亂世農家全節

三省邊防備覽  
孝衣冠頑懦信非夫

悼汪氏女殉伊父遇賊死難有序

張鵬翀

汪氏女安康縣廩膳生汪公金成女也余納聘之次年  
嘉慶丁巳女已笄矣五月初六日隨伊父避賊賀家壩  
被賊搜獲其父遇害賊以女少艾不忍殺強曳至空屋  
女誓不入罵聲益厲賊乃以厨刀殺之

父因取義飲鉅鉞女為全貞繼父亡血映榴花終古赤風留芹

藻滿地香鐵心剩有埋泉下石碣能無豎壟旁獨惜智慚詹氏

女贖親釋縛死何妨詹氏女紹興初年十七淮寇號一窠蜂破

之賊至執其父兄將殺之女泣拜曰妾雖寡陋願相從贖父兄

命不然且同死無益也賊釋父兄縛女麾之曰亟走無相念我

橋躍入水中死賊相顧駭嘆而去

行次鎮安縣

張鵬翀

征人停轡問前溪已到商於西復西斗大荒城臨澗起筆尖危

嶂與天齊馬隨柞水灘聲轉鳥度秦山樹影低遙見路傍雲蓋

寺此中疑有隱賢栖

漢口龍舟歌 弔三閭大夫也

張鵬翀

君不見江之津涯漢之浹紛紛延佇王孫子乃有龍舟盪其中

譁然競救屈平死屈平為國摧心肝憲令未成邁上官黃鐘毀

棄瓦缶鳴瀟湘至今小猶寒也知忠臣死不惜投間不甘遽懷

石歌成離騷異一悟沅芷澧蘭亦生色詎料張儀舌尚存賂得

鄭袖中葦言自是強秦疆域闢非關青蠅止于樊可憐國蹙臣

無力魂魄何惜蛟龍得汨羅江頭委骭髒長嘯一聲天地黑三

間居民太多情年年競渡弔屈平屈平既為憂國死豈望拯溺  
續餘生噫嘻乎天愛忠臣心亦苦屈抑一時伸千古當時不遇  
子蘭流死於安樂徒小補識得造化妙推移長沙東林俱毋悲  
試問彭咸投水日焉知來者復為誰又不見荒墳纍纍雲夢澤  
盡是當年繁華客銅駝莽在荊棘中夜深燐火簇松柏

輓白河令黃補堂袁殉節三首

嚴如煜

金州城畔別蒼茫一夜秋風賦國殤青犢赤眉成底事沙蟲狡鶴  
劇心傷義僕烈勇同死甚眾自來守令  
朝廷重如此男兒史册光憶話前因真不負果然忠義事堂堂  
補堂於林爽文叛時起義先期夢放忠義榜已名首列

作吏山城縮墨符揮刀慷慨死前驅輸他世上文官樣成爾人

間烈丈夫

民見補堂多呼為副爺

怒激神靈轟霹靂

被害時山中忽發大聲聞之獲匪云哀

生風雨祭頭顱

歿後拾獲逆首奉文解首級心肝致祭靈前

眼中颯爽英姿在不共

悲歌碎唾壺

麟閣雲臺意氣多出師未捷怨如何共傳虞詡能增竈

歿之前數日屢

獲勝仗

誰料王堪竟伏戈未了英雄悲父老

補堂在白河有惠政歿時遺孤甫六齡

有靈冤鬼壯山河大招泣續離騷句耿耿丹心定不磨

自白河至藍灘

陝西 臬司 王 昶

涼風雖戒寒餘暄尚未變蒸為十日霖濕雲蔽巖礧絲絲點不  
開牀牀漏難斷津吏忽來言濁流漲清漢緣溪數尺高澗流疾



如箭我時仍發船灘灘聞瀆旋逆上次藍灘懸渦益颯悍殷空  
雷霆驅觸石冰雪濺遠疑鷺鷗翔近逼蛟蜃戰長年盡呼嘯小  
吏劇顛眩出險乃斯須安危竟一綫我生驚遠遊所適駭聞見  
清浪暨江門性命付夢幻獨憐輓船郎百丈累魚貫衝雨午未  
餐力盡泥沒胼

過白河縣

興安州牧劉德新

路轉峯廻漢水游石城如斗峙山巔天邊嘹唳啣蘆雁江畔噲  
吟上瀨船邑有數椽難作市野無百里可成田征鞍暫向斜陽  
下遙見重圍護碧烟

張文學

捐謫脩驛詩紀其事二首

董詔

把酒臨風歌慨慷爭傳市駿有孫陽解驂無事談齊相假騎於  
今見鄭莊德教行看置郵速馳驅誰畏道塗長私情公誼能兼  
盡天駟星明映錦堂

非緣馬癖效王家特為急公育駿駟錦障出閑披柳葉春枝附  
驛寄梅花相看客舍衝朝雨從此民簷靜夜譁共處  
唐虞耕鑿世扶犁荷蓀話桑麻

贈處士張伯揚有序

葉世倬

處士名廷傑字伯揚少孤奉母劉以孝聞嘗與妻余米茶  
屑麩以食而堂上菽水未嘗缺也中年權子得利  
嘉慶二年為教匪焚掠家道中落操作胼胝脩營艱辛  
而伯揚慈惠性成遇鄉里獨無告者必竭力拯救助  
其不給教其不能必委曲如所願而後安宿通有不能  
償者即焚其券貿易有相欺者輒隱其惡然其事聞然

日章噴噴人口者指不勝屈生二子授以儒業伯鵬份  
由癸酉拔貢中辛巳舉人仲鳳翼庚辰歲貢其孝於親  
友于兄弟並堪為克肖子夫未俗澆漓一膜之外遂成  
秦越往往坐擁厚貲見傾危不以援手而溺愛其子弟  
不知教以義方敗不旋踵以視伯揚其得且失為何如也  
昔王陽明傳蘇州方麟事前後若合符節且方二子亦  
名鵬鳳噫嘻異哉異日鵬鳳兄弟當亦成進士居官臨  
民濟世及物與方氏食報有不爽者故既為伯揚表其  
詩以爲引伯揚喬梓勗云以

昔有節庵子辭官獨好施二子鵬與鳳庭訓凜嚴師臨民多惠  
政志節朝野知余嘗慕懿範何圖今見之月谷鍾靈秀篤生多  
英奇張君少孤苦天性乃孝慈菽水不缺供冰蘖強自支中年  
遭困厄逐末營銖銚鄉里遇熒獨衣食頻解推但得濟人術不  
顧傾囊貲前年余來郡先見其佳兒成均各蜚聲伯題雁塔碑

椿庭奉甘旨兄弟交怡怡爲問先世德箕裘信有資乃知阿翁  
行樹德非今茲憶昔方氏翁軼事正如斯二子鵬與鳳今昔無  
差池得毋前身是使我增狐疑積善得餘慶方氏應堪追勗哉  
君喬梓德者福之基亟爲表其間用以挽澆漓

郭孝子歌

并序

葉世倬

興安府兵房典史有郭士傑者家貧事母以孝聞嘉慶  
元年白蓮賊起軍務倥傯兵房事故劇士傑綜覈盡瘁  
以軍功議叙九品官然定省未嘗少間四年士傑夜夢  
宅桑上下各生三枝覺而瞿然曰桑喪同音上下生枝  
各三來年三月三日吾母其不免乎乃私語其妻奉事  
益謹逾年其言果驗士傑哀毀骨立當是時賊匪往來  
輿邪風鶴時警而陰陽家又以寇窳惟申月始利不能  
遂葬不得已遂移柩於江北之姚墟蓋所卜宅兆也士  
傑支片席宿於柩側每當烽火燭天雷雨之交不聽將  
泣方其移柩時適聞賊至其叔及從弟曳之歸不聽將

縛之士傑曰母未葬吾將安歸強我有投江死耳郡守  
以軍事急再三日鳴乎古今孝行卓卓如蔡順黃香則徒  
步過江宿傑何多讓焉余前年莅任時曾以桂林陳榕  
丁蘭輩士傑在官法戒錄令諸吏讀且戒之日諸吏特  
門相國所輯在官法戒錄令諸吏讀且戒之日諸吏特  
讀書未卒業耳古來公卿起於椽吏者悉載此編諸吏  
其則效之毋自菲薄越數月獨士傑執卷請謁此錄中  
義理故實未詳者悉就余問難良久余心異之今廉得  
其行乃益知求忠臣於孝子  
之門洵不誣也爰為之歌曰

王哀宿墓千載傳一生純孝動蒼天興安有吏郭士傑直追古  
哲堪齊肩家無儋石鮮兄弟極車萊服娛親前三月三日母病  
死神鬼示夢機已先烽火連天停不得移棺江北姚墟巔片席  
作廬土作枕荒草萋萋隨母眠蜂屯蟻聚賊將至姚墟四望無  
人煙家人促之不肯去誓與阿母相周旋山靈阿護妖氛遠生

魂死魄兩安全簿書火發官催急曉夜往復渡江船烈風雷雨  
繞棺泣一宿五月哀啼鵲嗟汝純孝出天性百行無虧豈偶然  
汝家五子能誦讀瑜珥蘭芽皆少年在昔埋兒有郭巨天賜黃  
金累十千從來孝子天必佑燕山五桂慶綿綿

杜孝婦詩 并序

葉世倬

儒士杜宗賢妻陳氏家安康之三渡舖嘉慶五年年十  
七隨母避亂途遇賊將辱之陳罵賊不從賊刺以五矛  
血流昏絕母徐氏亦被傷六矛賊去其父陳法至負歸  
救治得不死次年歸宗賢家赤貧姑亦早亡陳氏勤紡  
績操井臼相夫讀書事翁姑盡孝道年三十而歿其始  
以罵賊甘死不從全乎為女繼以食貧盡孝全乎為婦  
前之幸而矣余訪得其事實既表其門更為詩以紀之  
與婦者風矣余訪得其事實既表其門更為詩以紀之  
陳氏有貞女生小在蓬戶一朝烽火驚強暴遭雀鼠冰雪作心

肝柔脆甘刀斧罵賊賊膽寒轉愛生噴怒狂風摧花枝倒矛刺  
之五阿母枕尸哭痛極犯豺虎創鉅血交流賊去乘阿父竊負  
三渡歸魂返備酸楚呵護如有神不藥疾自愈生全特偶然此  
志足千古

賢哉杜家婦貧窶一無有十八歸宗賢怡怡奉箕帚夜月鳴機  
杼晨霜親井臼身衰謹扶持倚如左右手菽水必旨甘乃自私  
殘糗操作百不堪人怨婦則否孝行動閭里人盡稱嘉偶天乎  
胡不弔伉儷弗克久三十正壯年女嬖隕如斗

噫嘻杜孝婦志行光宇宙人惜孝婦天吾謂孝婦壽人生重倫  
純所以異禽獸顏子與盜跖誰復計老幼金州山水佳孝婦鍾

靈秀存順沒亦安誰能出其右視彼忝所生百歲空遺臭我聞  
孝婦行願言告中菁凡百婦與女當奉為傅姆

王烈女詩 有序

張鵬盼

烈女安康縣新建舖貢生王熊女當白蓮賊之初掠邑  
西也女隨母趨避而與之值自以少艾懼為彊暴之所  
汚遂哭拜母投月水死時  
嘉慶二年夏五月六日也

王烈女生長月河渚雖居月渚不知月水深幾許風雨一編女  
論語父母珍之金屋貯如何白蓮賊颺舉五月六日時當暑整  
躉隨孃走嶮岨避角之雀逢牙鼠吁嗟天兮不我與萬頃茫然  
兒得所再拜阿孃勿兒拒留兒力難捍彊禦且學屈平死謝楚  
一任猘猢徒延佇吁嗟女兮見何巨一死千秋隆邊俎月水之

廣廣無淑月水之清清見鱖此是烈女完貞處隨例年年薦角黍

白烈女詩 有序

張鵬粉

烈女安康縣秦郊舖民白鏡女嘉慶五年夏四月遇白蓮賊冉文倚之黨於柳家河賊以其少艾也幸之行女堅抱樹誓不動賊噴其心之不可奪遂攢矛刺死之比賊退家人經樹下見碧血模糊環樹根女猶抱樹如生時

女貞樹冒雪經霜青如故亭亭未見交枝柯此樹端宜貞女駐君不見安康秦郊舖白家有女尙荆布生小從不出金閨南國遺風畏行露白蓮千朶如燈炷荼毒編茅到婦孺傷弓之鳥畏木彎避寇偏教與寇遇出水夫渠謝泥汗百千豺虎垂涎慕詭計甘言誘之行俄頃此身登瑤圃不肯答片言不肯移一步

兒心如鐵樹如家到家焉肯復回顧國狗之瘼易生怒攢才交集不知數可憐娉婷貞女兒竟抱女貞歸泉路

國家葬節風行素深山之女性貞固我撰白家烈女詩為煢輪軒來題墓

康烈女詩 有序

張鵬粉

烈女安康縣牛蹄西舖人也嘉慶五年十月白蓮賊羅半年之來女年十六矣隨父母避賊被冲散追至嵐河東岸欲濟無舟遂投水死

嵐谷高且峻嵐水清且深吁嗟康烈女投此甘浮沉白蓮如沸淪川楚虔劉生民焚衡宇多少鬚眉甘逐波誰拚一死報君父嗟哉女兮輓狂瀾屹然中流作砥柱

彭烈女詩 有序

張鵬粉

烈女洵陽縣三叔河民彭良萬之女嘉慶二年夏五月年已及笄矣被白蓮賊擄至營以其有色也咸屬之目女叱曰我不能從賊請速殺我否則我必殺若矣引頭就戮頭落尸不仆

先軫死白翟矢集身不仆  
雲死睢陽頭落身如樹  
古來烈士夫有此堅剛度  
不謂彭烈女亦復性貞固  
力弱不能戰被擄來賊寓如入鮑魚肆  
斯須不能駐緣何來突輩環立咸目屬  
意此嬋娟姿可以伴朝暮  
豈知薑桂性春炙竦如故  
曰我女貞木不能禱  
杙附鼎鑊甘如飴  
速使歸泉路不然戟在側  
殺汝汝毋怖賊知烈女心其堅如銅鑄  
遂命驍健兒霍霍揮金錯  
引頸女就戮取義不旁注  
白氣一屬天星回燦寶婺  
頭落如彈丸尸立如

泥塑羣賊拜且僵  
一悔一以懼  
僉曰殺人多不仆  
從未晤豈是女軫雲度世醫  
沈痼嗟哉請封刀  
不作人中蠹棄邪歸正者紛紛不知數  
乃知天地間正氣時布濩  
人不挺特立自辜蒼天付浩氣所充塞  
神鬼皆呵護不使貞體僵  
特令羣賊悟安得自烈女顏風輓指顧懦夫有立志  
一洗世間汗

姜氏二烈女詩 有序

張鵬粉

二女紫陽縣民姜洪明之姊兄弟也嘉慶二年十月年俱及笄矣避白蓮賊齊王氏於深林中  
被賊黨搜獲曳之行二女俱厲罵且拾石擊中賊額同被殺

櫓槍墮地化為盜  
蹠有女同行避彼矛戟  
入山畏童入林畏隙  
明哲保身銷聲匿迹  
如何深林忽來魑客  
曳我兄弟以永今夕

女心如金女手握石併力齊擊血迸賊額履虎之尾其怒斯赫白刃交下雙珠襲圻其軀雖捐其心則適不飲赤刀奚全白璧彤廷褒貞名登史册二女之風霜寒月白

楊烈女詩有序

張鵬玢

烈女漢陰廳青泥河民楊朝柱之女也嘉慶五年五月避白蓮賊遇諸塗驅之行女厲罵賊遂見殺

楊烈女與賊遇不能逃激賊怒一罵再罵罵不住賊刀一閃血如注吁嗟女兮罵殺身不罵何以爲完人

李氏二烈女詩有序

張鵬玢

二女洵陽縣大金坪民李世醇女兄弟也嘉慶二年四月白蓮賊張月梅率黨撲金坪二女俱及笄矣倉卒登山見賊漸近二女曰母以女故累父母請縊死以全遺軀賊至救之不醒遂埋之

賊犯金坪女奔寨城奔之無力思累所生雙纒請縊親重身輕豈獨全孝兼以全貞秉彝之性竟具攬槍謂此二女鐵中錚錚蘖裡而掩兄弟同阬賊何以感感於精誠

熊烈婦詩有序

張鵬玢

烈婦安康縣越梅舖民熊廷興妻盛氏也嘉慶五年夏四月隨夫攜子女避賊高澗溝婦環視曰林箐不密不可藏多人且恐此呱呱者聲外聞並死無益也促夫甫別匿而賊掩至矣婦牽子女俱投崖未死賊繞至復犯之婦知不可脫遂踊罵賊賊殺之并殺其子女

天地清淑氣多鍾奇女女子有雄畧保夫兼全已我聞烈婦風再拜深仰止全家避高澗林箐周環視謂此秋雲薄藏身安定恃且恐呱呱聲外出招奸宄趣夫遠逃匿幸勿蹈族死妾死可續

絃夫死斬宗祀再三勸夫行夫行賊至矣女子遇魑客投匡希  
前軌先推子女下身隨隕坡底賊見死未真繞徑求宴爾婦知  
不可脫罵賊類有泚踴躍激再三賊始揮刀匕冥冥黃泉路子  
女同邇池人生皆有死婦死光

國史泰山與鴻毛所爭在尺咫又聞今熊氏子女羅牀第得毋烈  
婦靈默默底葛藟抑或天鑒婦後昌報前美我作烈歸詩用以  
勉娣姒娣姒盡如斯世運臻上理

王烈婦詩 有序

張鵬 扮

烈婦漢陰廳雲門鋪儒童王斯壽妻蕭氏也嘉慶五年  
周四月遇白蓮賊阮正統扶之騎婦厲罵曰我良家婦  
豈從賊耶賊并其甫時之女擯  
刺死賊退人見婦抱女如生時

漢家蔡氏出關時馬上笳聲寫怨思非是駿騶乘不得十年前  
已薄文姬

女兒甫睥尙呱呱骨肉何能棄道塗天屬有緣恩未斷黃泉路  
上再哺鳥

柴烈婦詩 有序

張鵬 扮

烈婦湖北黃岡民柴以仁妻從夫佃居白河縣之茅坪  
嘉慶二年被白蓮賊高均德之黨搜得之婦罵不絕口  
并拾石擊賊賊斃之

妾心匪石不可轉也妾手拾石猶可遣也擊賊賊死天所殄也  
擊賊不死妾命寔也妾口三緘戒長舌也妾口肆罵誅妖孽也  
罵賊賊改亂氣歇也罵賊不改妾命絕也夫孰知未殄亦未歇



巾幗丈夫遭寸磔

節烈丁華氏歌 有序

張鵬翮

華氏洵陽縣小棕溪氏丁世遠妻遠卒華守節撫遺孤義至十二歲嘉慶五年十二月白蓮黃號賊掠義去華泣請曰未亡人止此一子子去亡夫之嗣將斬矣哀索之

悲夫華氏之早寡兮撫此遺孤孤年雖已十二兮不憚勞劬夫何白蓮之肆剽劫兮嘯聚萑苻乃竟擄妾之孤子兮使之執爨哀求豪傑之重義兮憫妾亡夫念千鈞繫於一髮兮還妾明珠抑何賊黨之不可以情感兮負子以趨未亡人之情急兮大聲疾呼妾焉能使孤子兮作蹠之徒賊果不諒人只兮死與兒俱

賊昂昂來刺孤子兮母蔽兒軀悼嫠婦之立殞兮血染羅襦孤竟以母之庇護兮傷淺復蘇幸丁氏之綿似續兮天道默扶見藁礎於地下兮其樂于于此程嬰之存趙兮其苦相符安得叩帝闈而上達兮鑒此誠孚立綽楔之翼翼兮以式通都

余烈婦詩八章章四句 有序

張鵬翮

烈婦江南民余年華妻也從夫佃居洵陽縣水洞溝嘉慶四年十二月遇白蓮賊高添德以刃加喉脅入室婦詈曰速賜汝母死入室不能也賊忿刺死之惜年華回籍無由訪其姓氏縣里也

有女如玉在其板屋于彼新田唯鄰是卜 賦也 鴟鴞鴟鴞集于苞栩天降喪亂不能藝稷黍 賦也 求我新特來即我謀曰予未未有室家修我戈矛 賦也 天降罪罟蝨賊內訌入此室處亦不

汝從賦也吁嗟女兮覆背善詈維彼忍心貪人敗類賦也莫捫  
朕舌予維音曉曉哀哉不能言會不容刀賦也人之云亾遇人  
不淑言旋言歸復我邦族賦也人之云亾心之悲矣悅懌女美  
其誰知之賦也

節烈劉婦詩 有序

張鵬 粉

烈婦洵陽縣廟溝民劉德妻也德早卒婦守節十餘年  
嘉慶五年十二月白蓮賊至全家被擄婦踊躍罵賊嫂  
以忍辱勸婦曰吾夫死尚誓不更適豈轉從賊耶嫂曰  
之婦罵曰汝既從賊則亦賊矣奪刀斫嫂嫂幾死賊怒  
剖婦腹曰我將看節婦心肝何如遂殺之

露筋女遭蝨蟲嫂附幕恥同行誰知今古可頡頏劉德之妻家  
洵湯德死十載婦稱孀栗然良玉吐寒芒狂且不敢逞暴強嘉

慶庚申臘嘉平白蓮千朶照山岡劉家一門罹虎狼蠶目汪此  
節婦妝豈知節婦心如鋼再三距踊罵聲長清風不愧稱未亾  
有嫂勸曰垢可藏森然髮指罵荒唐夫死不肯別嫁即豈轉從  
賊作陸梁嫂既從賊賦鴛鴦是亦賊也可哥戕奪刀斫此臭蟻  
螂為我劉氏洗慙惶賊怒剖婦看肝腸丹心一片答彼蒼阿嫂  
在旁走且僵汗流浹背濡衣裳回視入幕大澤旁同一粉黛嗤  
姬姜嗚呼節烈氣堂堂家之不幸  
國之光禮義廉恥賴婦張四維一張  
邦其昌自來有陰必有陽正氣一盛邪氣殫不信試看節婦死  
後不二霜紅旗提報奏

劉氏雙烈詩 有序

張鵬翀

洵陽縣民劉大堯之母氏劉早寡織屨撫大堯成立為  
娶宋氏美而賢嘉慶六年四月白蓮賊徐添德至大堯  
適外出劉謂宋曰我年七十力不能逃死於路不如死  
於家汝可遠匿也宋曰始不去婦又何之殉始而已賊  
入門將犯宋宋奪賊刀斷賊臂賊甚集眾斷宋手足  
並抉目割舌死劉笑曰婦成吾志矣賊亦殺之越數日  
大堯歸出二尸於瓦礫中面俱如生時

夫死撫孤孤成立賊來趣婦婦對泣老至葆節節斷級此三事  
者洵堪摺編之聲詩待采輯况乎婦孝不可及時平菽水足  
仰給泊乎遭亂能應急奪刀斫賊賊膽戢須臾蜂屯並螳集  
百鍊鋼婦被賊執斷手與足血涸涸抉目割舌尤慘悞人蕪

之禍竟相襲道路聞之皆嗚嗚嗚呼雙烈光郡邑我過其墓下  
車揖

周郭二烈婦詩 有序

張鵬翀

白河縣關兒口佃民周國典妻喬氏郭文瑒妻程氏均  
湖北蘄山縣人嘉慶四年喬攜八歲子程攜三歲子避  
賊被搜獲脅之從俱厲罵  
不屈賊并殺之且殺二子

生同楚佃同秦各攜子避匪人與之遇命不辰被迫脅各遑巡  
同聲罵正氣伸均被害不辱身山益深俗益淳節烈鬼作比鄰

舒氏一門節義詩 有序

張鵬翀

許氏漢陰屬已故監生舒運禧之妻也居雙河口開白  
蓮賊張漢潮將入境攜其二女同姪達才姪孫士興趨  
避之翻被掠賊見二女少艾聾言欲妻之二女私計曰  
不從必傷及兄姪不如伴諾之賊又脅達才士興隨之

行不屈均被殺二女又計曰兄姪均死矣老母年邁可  
免辱吾等不死復奚待適行至魚洞子懸崖高百餘  
長者曰此我就義所也遂投崖死賊方驚愕聞次女與  
許氏均縊之賊俯視柝木槎深不可測遂相顧歎歎  
而去時嘉慶三年三月九日事也

嘉慶三年三月九日白蓮賊掠雙河口夫妻分散父子離纍紫均

如喪家狗一解舒氏全家命何苦避賊恰復被賊擄長女時年

十六七次女亦復年十五渠賊見而心悅之下陳無人此可補

二解二女聞言摧裂心肝妾若從賊綱常奚存妾若不從立戕

姪昆不若伴諾之且與兄姪之遠奔三解賊復脅兄姪木彊俱

不屈可以斷吾頭不能屈吾膝取義俄頃間談笑視斧鑕四解

二女相對各慷慨兄姪均死母年邁吾屬不死復奚待不然立

見遭汙穢百仞懸厓骨俱碎從此可免龙也吠傷哉許氏已老

態也拚殘年死親愛五解

聖朝風教被山陬

厚澤深仁淪浹優闔門死義兼死節可知上舍家政修書之彤

管光

國史傳之海內輓末流我作長歌代山謳為俟觀風太史翰六解

李氏一門節義詩有序  
張鵬翀

李世純海陽縣洵河里民嘉慶二年夏五月聞白蓮賊齊  
王氏純世純與妻張氏同二女寒姐夏姐謀之曰所此  
熒逃亦不免不如同室縊死之願甫投縊而賊至矣啟  
戶見二女之有色也俱解而甦之頁姐詈寒姐喝止之  
且給王氏曰父母已死我姊妹蒙再生恩願隨行即漸  
米作炊示不疑賊有求王氏指配者寒姐伴作色喜狀

頁姐詈且怒曰妹不能配賊寒姐強解曰妹倔彊請徐勸之王氏以其荏弱不為防留於帳中作已伴賊困睡熟頁姐嗚咽寒姐攜之出曰兩縲繩猶在毋庸泣也遂同縲死

洵河里佳山水節義氣鍾於李嘉慶初賊王氏恣蹂躪掠遠邇李世純懼系累欲禦賊力不抵率其妻及女子家四口投縲死聖世民忠義鬼草茅心有如此賊啟戶見女美解甦之比射雉有頁姐怒髮指百鍊鋼哭復誓寒姐長陰切齒欲全貞強作喜喝頁姐勿復爾再生恩比天只請隨行伴浙米示不疑供驅使頁姐駭未達旨認作真誓不已爾從賊非吾姊玷祖宗辱考妣請割席不同軌寒姐慰虎兇妹倔彊當孩視徐圖之勿愠彼月東升照牕紙賊困疲齣聲起頁姐泣寒姐止攜之出指桑梓

出兩縲仍縊矣兄弟性各偏倚一如鈞一如矢及舍生均合理聖朝恩淪肌髓深山民節義砥節不污義不靡播聲詩光國史

輓鄉約李文臣禦賊死難有序

張鵬翮

文臣安康縣保安寨鄉約嘉慶六年正月值白蓮賊羅半年來攻寨率舖民孫國祥團勇據險殺賊無算後羣賊至衆潰獨二人力戰被執賊志文臣腰斬之並斬國祥

李文臣膺鄉約腹貯甲兵足膽畧保安寨山岬嶠憑險保民眾可託孫國祥善擊搏團勇殺賊除剽掠賊蠶來眾皆卻累百鷲鳥出二鷲力不支均被縛極極之氣吞寇虐一腰斬一頭落其軀雖糜其名灼保鄉閭安耕作哀此鄉約厘民瘼緬高義雲可

薄多謝紛紛糜爾爵

輓諸生徐建奎禦賊死難有序

張鵬粉

建奎安康縣石泉舖諸生嘉慶三年十一月團勇守禦被賊羅半年執之叱令解衣負囊奎正色曰儒者正衣冠而死何解為賊疆之奎厲罵被刺死之

堵禦屏屏力不支被圍想見古鬚眉臨危不就從容義子路冠纓枉誦之

輓岳四吉張大明闔門死白蓮賊之難有序 張鵬粉

四吉大明均安康縣越梅舖民嘉慶三年四月間二人倡義團勇築尖山寨以保舖民寨甫成賊掩至百計攻之寨遂陷方戰不支俱被縛賊愛其勇誘之降俱不答賊不堪吉妻熊氏明妻李氏之交罵也先殺二氏以懼之不屈又殺于女各一人羅益之

火起尖山寨蘭焚節義屍兩家齊死難 狗木不能支麥黍屯雙壘蘋蔡萃一祠

國殤吾欲賦搦管倍凌其

哀黃正南與其鄰柯龍勝張啟英死白蓮賊難有序 張鵬粉

正南漢陰廳豬頭山民有膽略販藥為業嘉慶二年五月白蓮賊齊王氏竄入境正南與鄰人柯龍勝張啟英等謀曰賊來必索米為炊若豫以和之可毒盡妖孽也眾依計辦飯以待賊至爭食之正南復浙米繼炊會先食者毒發賊知墮其術遂並殺之

白蓮荼毒恣暴虐惜無辣手止劫掠漢陰黃郎業販藥醫國之手欲除惡乃與鄰人潛相約和砒辦飯炊燻燻賊至果然爭咀嚼頃刻毒發填溝壑後至之賊揮霜鏑可憐三良歸冥漠嗟哉

三白邊防備覽

卷十八

藝文續下

在

飯既登鼎鑊何不及早匿岢嶠君不見博浪一椎既不著鴻鵠  
遠舉避弓繳有謀獨惜識不卓鐵聚九州難鑄錯

哀韓有榮王元茂劉煥延禦賊死難有序張鵬翀

三人均漢陰廳高梁舖民也嘉慶五年閏四月聞賊耗  
共謀口賊來必經堽口徑仄且陡可集勇設伏以待之  
會前隊賊至伏發斃賊於火鎗者數十人忽後賊遽擁  
至自度眾寡不敵急揮義勇敢三人據險力戰皆被害  
驅馬經堽口仄徑懸崖陡中有三鬼雄義氣吞羣醜嘉慶五年  
天鳴鼓白蓮殺人不勝數三人據此設奇兵賊來鎗發子如雨  
血盈巨壑屍積山挫賊不許隻輪還前師既陷後師沮紛紛觀  
望不敢前須臾蠶屯並螳聚眾寡不敵勇猶賈急揮團勇一齊  
奔免趨疲羊飽餓虎據險血戰力不支慘淡陰雲就義時志士

不為伯有厲雷作忠魂殄赤眉時平地險猶設武滿山油油長  
禾黍我來憑弔度山凹父老猶言殺賊處

哀諸生廖朝義父子死白蓮賊之難有序張鵬翀

朝義漢陰廳雲門舖諸生嘉慶二年五月白蓮賊張漢  
潮至率其子世祿練勇拒戰於洞河口力盡父子俱被  
執脅之降皆厲罵  
賊並剖其心死之

欲食賊肉寢賊皮父子雲門舉義旗出門恰遇洗師雨迎鋒接  
戰洞河湄父向東殺子西馳出圍入圍各相持烏合之中無節  
制兩條血路自分歧俄頃四圍賊眾集彌天蓋地皆赤眉力竭  
郎當被賊執父子纔逢見面期臨門昂首叫佳兒瓦全玉碎判  
於斯常山南八等閒事如此男兒始為奇可憐腹剖血淋漓兩

穎丹心上帝知成敗英雄無定局且看厲鬼雙雙結草時

哀諸生劉臨榜死白蓮賊之難

張鵬粉

臨榜平利縣太平河諸生篤行力學聞白蓮賊耗倡議  
修堡工未竣而賊龍紹周薄堡外榜慷慨談順逆之義  
賊壯其有膽略誘之降榜毛髮俱豎痛罵之賊  
怒割其舌猶含糊噴血戟手作罵狀被剖腹死之

客至太平河慷慨發浩歌借問客何為感士義不磨憶昔嘉慶  
初此地賊屢過不堪遭蹂躪築堡避干戈經營勞百慮晷刻戒  
蹉跎與得堅壁壘同住安樂窩惜哉堡未成賊已薄榮阿詢此  
字眾志其人果如何僉云劉臨榜

聖化沐菁莪讀書破萬卷足智性不苛賊遂生致之尊為尹公  
佗竊意斧在手從此可伐柯而公陳順逆侃侃詳縷觀上下數

千年徵引無一訛誰知狂豕輩堅欲臣廉頗謂公從吾輩紆紫  
且鳴珂聞言髮立豎嗟哉爾駟鷲堂堂

上國士豈肯從么麼會看大兵至鯨鯢靖狂波賊怒割其舌噴  
血猶詆訶戟手剖腹死至竟不媿嬰一死膠庠重庶不負切劘  
我今來廢壘想見胸星羅父老談風義涕泗猶滂沱為言承平  
備防寇如防倭特為義士詩用以勵薜蘿

哀龔自雄禦白蓮賊死難

張鵬粉

自雄洵陽縣龔家灣民嘉慶二年其鄉屢被白蓮賊蹂  
躪雄捐貲設卡捍衛四年比父死誓於眾曰昔之不與  
賊鬥者以父在也今賊來吾必殺之五年十月張漢潮  
至獅子毛其地石角崢嶸回壁如城水淙蕩不聞人聲  
賊匿厓下食自雄飛身下墜賊出賊不意迎刃  
斷頸有含飯而死者少頃賊集眾至圍殺之



父在不門賊父死不饒賊吁嗟龔自雄忠孝兩立則况乎設卡  
衛鄉國蹂躪不遭人食德嗚呼雄死我心盡

哀梁五沅禦白蓮賊死難有序

張鵬翀

五沅洵陽縣袁家埡民與兄諸生潛有設卡禦賊以信  
義著聞於鄉里嘉慶五年四月賊楊開甲率眾萬餘所  
向皆披靡其兄以賊眾謀暫避之沅曰所以團勇為殺  
賊也遇而避之何以團為乃持刀衝入賊隊拚命殊戰  
賊倉卒無備所遇皆絕腰斷脰廝殺半日會力盡被  
圍殺之時同死者熊枚科田大學皆勇敢男子也

弟勿禦賊弟竟禦賊禦賊不支兄心則惻

張鵬翀

善杰洵陽縣高店舖民其父玉璞老諸生也素以大義  
教子嘉慶五年白蓮賊犯境父子浚築設伏屢挫賊鋒  
凡依杰居者皆賴以全賊首徐添德愛其勇謀致之易  
服過堡以談形勝誘之出行數十武添德一嘯賊眾擁

戴入營賄以金怵以威百計勸降杰怒曰我家世清白  
豈肯從賊今誤入賊營已辱吾宗其速殺我以謝我父  
時有被掠者勸僞降可乘間圖歸杰曰吾視賊營如鮑  
魚肆惟以速死為幸耳賊先斷臂以迫之杰厲罵又斷  
其足罵如故賊乃殺之

何善杰遵父教築堡浚溝防猿踔閭里安平已獲效賊生致之  
加禮貌威怵利搖全不較視死如歸欲全孝嗚呼百世聞風心  
皆皎

哀陳錦衣禦白蓮賊死難有序

張鵬翀

錦衣湖北咸寧民佃居洵陽三汜河嘉慶二年賊張漢  
潮由湖北來衣告於眾曰官軍四面窮蹙賊無可逃唯  
吾鄉小道兵或不於眾日官軍四面窮蹙賊無可逃唯  
為團長五月賊果至衣設伏深箐伺賊殺之眾壯其言推  
漢潮驚怒勒馬回倍聚其黨殊死門衣以眾寡不敵遂  
遇害時同死者陳曜南武昌人陳國忠興國人孫來春

王裕明皆通山人

扼險吾傾陳錦衣敵情能豫料幾微一輪不許兇徒返四面惟  
留問道歸撥馬有人圖再舉屯蜂小醜破重圍那堪賊眾難支  
日腸斷英魂聚落暉

哀諸生李郁禦白蓮賊慘死 有序

張鵬翀

李郁石泉縣興化里諸生嘉慶五年四月與白蓮賊阮  
正統接戰殺賊數被賊黨千餘人圍縛之賊壯其勇可  
用誘之降郁罵曰幾見儒服儒冠者肯從賊耶賊怒  
先刺其兩腓復以瓊漬油裹焚之郁至死罵不絕口  
石泉李郁忠義士殺賊力盡被焚死

哀吳文金丁景瑞禦白蓮賊慘死 有序

張鵬翀

文金景瑞俱紫陽縣瓦房店民以公正見服於閭里嘉  
慶二年五月集勇堵禦被賊執之宛轉勸降俱厲罵被

賊剗其腸焚之

紫陽瓦房店丁吳才思贍億則屢中有左驗集勇禦賊同仗劍  
閭閻夜靜無吠獫其如民喜賊心厭四路兇鋒一齊斂台圍被  
執罵驕僭可憐剗腸投火爛堂堂義氣民思念似此髮膚始無  
忝播之聲詩齒皆豔

哀武生郭中元禦白蓮賊慘死 有序

張鵬翀

中元白河縣構穰河武生自嘉慶元年設卡圍勇屢挫  
賊鋒諸元戎嘉其忠勇均給功牌犒之白蓮賊黨嘵之  
久會六年四月併力來攻鄉勇俱潰中元揮刀架入殺  
賊無算卒以力盡被執賊始用炮烙繼剖其腹中元抵  
死罵不絕聲

國家設科兼重武重武不專猛如虎胸貯甲兵富機謀出則十

城處禦侮白河之縣構穰河有土極極夜枕戈設卡團丁頻挫  
賊雖資地利實人和大纛元戎三四至功牌數弊忠義字禦災  
捍患越六年民悅誰知賊則忌一朝厚集兇鋒來我士既痛馬  
亦墮揮刀獨有奇男子采入其阻殲渠魁可憐力盡猶酣戰被  
賊縛去遭鍛鍊始用炮烙繼剖胸商紂之酷今再見丈夫抵死  
罵不休氣息奄奄不低頭是日晴明忽霏黯狼將歸天天亦愁  
太守宣猷重風化謂葉健庵先生急須蠲扁旌廬舍大書志乘祀昭忠  
樹之風聲勸習射

哀李致言夫婦死白蓮賊之難

有序

張鵬翀

致言漢陰廳廳堰平人家赤貧負薪易米為生嘉慶五年  
十二月與妻張氏攜其十三歲兒文達避白蓮賊適遇

之脅之從致言不屈被殺賊欲汚張氏氏哭曰夫既死不  
從將焉依但見子在側醜顏苟合有死不能也不如驅  
子使遠去吾得一意侍汝也賊縱文達獨攜氏行三十  
里宿欲犯之氏大罵曰夫死子去吾心無繫矣願從吾  
夫地下忍與汝狗  
禽偶哉賊怒殺之

飢不從猛虎食暮不從野雀棲况汝蠡目豺聲之賊子烏能拆  
久沐

聖化之夫妻賣薪易米度朝夕安貧自守充藿藜漢上波臣樂  
囹圄豈能從汝作鯨鯢飛而食肉吾不為領下逆鱗一再批可  
憐鮮血灑山谿迴頭賊欲玷清閨閨中人智復委蛇夫死不從  
將焉依顧此癡兒尚在側醜顏人道語休提不如驅之遠颺  
去免得抵面來訶詆從賊踉蹌三十里心計子已脫罟罟大罵

狂且情無識鳳凰豈配堞內雞夫死子去心無繫吾今不死復待奚願從地下求故雄一任野雀啁啾子夜啼

哀榮孝子歌

有序

張鵬翮

孝子名結友漢陰廳蒲溪舖人嘉慶五年五月聞白蓮賊張漢潮至負母趨山寨避之而與賊過諸塗賊脅令嚮導孝子曰母老難同行若放母入山寨請如命賊從之孝子望母已入寨遂停立大罵賊怒割其耳罵愈厲遂被殺

鬼啣啣兮無首人纍纍兮如狗母哭別兒兮兒泣負母賊脅踉蹌兮臨難不苟哀豪傑兮赴赴憐我母兮黃耆放歸山寨兮延母壽畱小人兮供奔走賊感孝子之誠兮停道右盼母入寨兮立良久母既得生兮從則否不能汚我

仁孝后耳可則兮罵極口頭可斷兮氣衝斗藉藉萑苻兮非吾偶寸膠澄河兮心則有吁嗟孝子兮生吠畝不事詩書兮任戴負忠孝兼全兮氣吞羣醜繫彼臣二姓兮顏何厚爾軀雖糜兮爾名不朽吾歌雖俚兮吾血則嘔書以金管兮鐫篆籀俾弈世兮知結友

哀趙羅二孝子歌

有序

張鵬翮

趙國寶羅開科皆漢陰廳東鄉人也嘉慶五年閏四月白蓮賊阮正統至寶等奉其父母將入城避之適遇諸塗均被脅二人哀求釋其父母請隨行賊從之比抵賊營夜半賊皆臥二人乃潛探得火藥籠突然之賊大驚自相殘殺焚死者無算二人亦被焚死

烽燧起矣民室燬矣二族同行畏流徙矣將入城矣突遇豕

矣有懷二人遭系累矣苛矣庶人傷岫岵矣釋我二老將維君子使矣賊之初生亦人子矣感茲至性則亦從其指矣二人同心入賊壘矣收燼欲戰曰無隙之可抵矣籠膽火藥私心喜矣聚而殲旃此甚矣伺夜將半匿火委矣火炎崑岡難嚮邇矣既熄奸矣遑恤已矣身體髮膚維其毀矣身則燬矣名則美矣春秋炳蕭馨

哀徐義士歌 有序

張鵬翀

義士諱家文漢陰蒲溪舖人嘉慶五年五月同劉友充義勇探賊至雙樹厝遇張漢海之黨偽為官兵使二人導之上寨買糧初信之既而知其為偽私謂友曰此賊也我等隨其術矣若導之入寨為禍不小我願捐生以全

寨人即飛奔謂寨上人曰此賊也不可妄開寨門賊馳騎追殺之劉友滾厓得脫

爾登樓兮被文繡者人牛析骸兮飫黍稷者民何寨人得保首領兮家文竟緣此以殺身義士乎義士乎其骨雖朽兮其名則長存

哀漢陰三義士詩四章章三句 有序

張鵬翀

喬鉉禮雲門舖監生其地素饒積貯聞白蓮賊耗與鄰人唐雲山余國相謀曰賊所欲者吾糧也盍密之無為盜齎也眾從之及賊至三人皆被擄果拷問密糧所在繼澆以沸湯卒不告賊怒并殺之比賊退舖民得藉密糧以無餒時嘉慶六年五月事也

白蓮馳其西乎而陣雲黯其悽乎而窖糧免其齎乎而賊也白蓮肆其掠乎而柘楊恣其虐乎而窖糧噤其說乎而賊也白蓮

揚其湯乎而良士被其戕乎而善糧隱其藏乎而賦也白蓮遠其徂乎而庚癸寂其呼乎而審糧豫其儲乎而賦也

哀楊孝子歌 有序

張鵬翔

孝子楊朝佐漢陰廳吏也嘉慶五年正月負母周氏避白蓮賊之難甫出門突與賊遇逼其隨從答以有母在賊即舉矛刺母朝佐以身擋護之且奪矛哭罵賊怒攢矛刺朝佐死母卒以擋護得生焉

漢陰廳吏楊朝佐貌不魁梧膽則大白蓮驀地殺人來負母奔趨逢門左被脅辭以母難離丈八蛇矛刺母坐七尺之驅左右迎屢刺屢擋氣不愞常山之舌江草心母全何惜兒身破吁嗟乎誰無父母愛三年君死乾坤始不澌

城洋民穿穴避寇死者百餘人

岳震川

寇至郊無樂安敦任古風死偏隨窟鬼遠只羨雲鴻險失春江淺烟寒野巷空古來有莊賈專制在元戎

賊至城固城西男女趨渡無舟赴江死者數人 岳震川

競作懷沙客都歸萬里流百年此生聚幾姓共沉浮魚腹真堪葬烏瞻不盡愁平生師白傅和淚寫秦謳

弔明經尙君慘死寇兵 岳震川

護鄉久久樹旌旗公戰何人奮鐵衣記得解揚稱考死先生三段是全歸

弔賢良方正尙君死高均德之難 岳震川

秦俗從來賦小戎鼓聲不起氣如虹誰云良將怯如鼯尚有

書生作鬼雄

三月初六日記所見

岳震川

昨日歸塗約比鄰今朝負擔入城闈閣前露宿憐黃小樹下行  
厨鏟綠勻近郭尚懷寒齒慮童年忍使斷頭頻賊掠童子輒傳  
聞涇渭材官守此夕妖氛已繞秦

農蠶篇

岳震川

農夫愛牛如愛兒牽入城中對牛悲不死食力資爾健安耕  
種知何時織婦愛蠶如愛女春深不願城中處江村桑柘浮嫩  
黃風戾堆箔聞夜茹農夫蠶婦紛遯逃俯啄仰顧心切切苦戰  
禽生鹿江漢當今誰似曹王臯

不寐放歌

岳震川

吳楚七國昔稱亂列侯辨裝出關東長安富兒吝成癖惟有無  
鹽財相通凱旋償息利十倍當時富厚歸諸公乃知斬將舉旗  
意或為重賞捐微躬貨殖之傳被物議史公笑罵洵非空我  
朝幣吏重廉正詐肯乘此貪青銅况復管承黨未散贖罪詔責揚  
僕功防江已失漢之廣賊騎又趨周岐豐興師日過千金責蒼  
生幾郡號哀鴻積尸窳窳盡草草流移寢潰咸怒怒春深西曠  
少舉趾救死往往拋牛宮注意安在在良將忘私忘家催鐵驄  
身畫麟閣豈憂富聽卑上有  
天王聰蟻蝨之臣尚不寐諸公不與常人同莫使竟成燎原勢

亟滅鬱攸慰

宸衷

洋縣城北周家坎周氏婦劉年二十三賊殺其舅姑掠其夫及叔罵賊割裂其脣輔罵益厲經宿死高生獻崑之姨也述其事紀以詩

岳震川

天只殺掠脣何愛極口罵賊舌本在泰山寡婦哭重憂周家少婦冰齒碎凶徒割脣連面皮楚痛未死血淚垂手抉庭堂一尺土賊不可得空爾為我聞烈婦之血漬磚上現出婦人嬰兒狀沙磨炭煨倍分門貞爽不滅書非妄此婦生隨舅姑死土中血痕無人理黃絹幼婦屬阿誰守台賢也表厥里

薛氏姑賢而無子一女適陳氏兩外孫方黃小三人者其性命也寇皆殺之姑痛不欲生震川作此詞也

內草溝中血模糊頭顱滿地驚林鳥春曉消息來何惡哀哀欲弔焚獨姑姑語阿寧一覲汝兄面便與大小三鬼俱我何戀乎天地一女勤機杼以慰吾夫外孫二冰雪膚他年麥飯澆我寒食墓紙錢掛我松楸株天平天平寇殺無辜巢傾卵毀不留半雛嗚呼姑視我如徑寸珠撫我于襁褓到今四十憐清臞看我弄孫孫拂須而姑慘毒至於此天平天平蒼蒼蕩蕩會應誰之呼使我不敢西韓村中弔我燬獨姑

贈演三紫臺

岳震川



據險凶徒志孤城或不危奇居茲非貨貧未屐屐炊朋好正與墟  
遠將軍紫閣遲眼中經見事執手但長噫

岳震川

寄李漢京暨鄧生實修

鄧攸窘急拋兒去賈獲倉皇載母行春到今年渾不見穿林多  
馬少啼鶯

岳震川

二月二十五日賦

一夜頭堪白當春病欲生寇謀多更遂將略久誰成林杜歌何  
日嘉禾露正傾秦川平似掌莫任此縱橫

城固盤豆寺李氏之女年十七嫁陳氏數月與三十六婦  
人避寇寺後持矛賊脅之去其祖姑叩頭乞哀賊曰不

云殺汝婦抗聲答曰殺不去遂受矛而斃嘉慶三年二

月初四社日也

岳震川

烏鵲雙飛不樂鳳凰妾是庶人不樂宋王矧汝鴉獍徒虎噬而  
鴟張三十六婦人蜂眼貪此嬋娟少婦婪誰知少婦百鍊剛祖  
母哭此婦花時桃夭折夫壻哭此婦慘然新婚別陽城春社斷  
男頭城固春社見女烈我睹

王師肺腸熱我避妖賊焚皆裂我欽新婦心如鐵陳子殷勤倩  
我歌傾肝血和古雪撰質詞或不滅

洋縣戚氏村生員宋天賜之母某貞女也未及請旌母子  
死於賊悲之以詩

岳震川

三省邊陲備覽  
白髮之女宋母之貞不會結襦聞倉庚聲縞總趨喪姑嫜悲寧  
哀哀撫子壯爲諸生寇者之往女手挽爭女手無毒血皆雙瞳  
宋生雖弱罵汚我鬢賊戕宋生天道不平子死何生尙加以兵  
女耶母耶向筆疇賡表間作式何讓陶嬰厲鬼殺賊嗚呼宋生

二童生死賊歌

岳震川

我不識薛暢牛義方二生死賊亦激昂牛師陳漢鷗一官未補  
沒武昌平生鋒穎過千將經書滿腹史提要遇忠孝字說尤詳  
宜有弟子百鍊剛兩腋利刃白如霜外襲羊裘頰而長賊見破  
膽訝生狂未及刺賊身已戕薛事良齋李肩戶苦教師亦良不  
知會說巡遠南八事口角流沫濕書囊暢也不屈不義色不改

眼中豈有千豺狼到死只作平常看但無若神之須比睢陽古  
來草間偷活多名輩後人節取垂琳瑯二生讀書無車五二生  
名未登序費一死直見古肝腸千頑萬懦驚刃銜渴葬在何許  
吾將整帶裳爲爾再拜澆鶯黃

洋縣時家坡時宗詳次子之妻薛氏年二十三賊艷其色

強脅之去罵弗堪刺死坡下

岳震川

我聞富州烈女陳淑真絕絃一曲聲酸辛東湖水淺不得沒甘  
令鳴籥集其身薛氏不琴復不水農家有婦花難比驅之不往  
扶不起罵賊去作清白鬼

洋縣夏廷英字子特幼讀書壯親農業嘉慶元年余館夏

氏村相友善三經制義尚熟誦無訛鄉人謂其孤僻弗善也甚有凌之者君初不悅既乃笑去二年十二月二十七日賊自川楚闖入漢中鄂都山之南北役人如麻君遇之大罵苟若無人賊怒奮矛刺死此縣學諸生朱學孔之詩序也今存其序改其詩時十六年辛未仲冬十六日也

岳震川

無康成之德兮賊不拜成仁取義兮土之介箭無蒲兮命如蒯張徹罵兮舌本快勝引思兮歌露蕤露陽晞兮名不敗吾死吾節兮婦何性婦戰隨兮君則夫鄂都之山兮賊破若犬豕肆兮毒非蠱名不可知兮余長喟王師久滅土石怪痛定思痛兮士類斲

楊烈婦詩 有序

張鵬翮

烈婦丁氏漢陰廳青泥河民楊朝柱妻也與夫兄朝佐同居賊至朝佐以護母死賊又脅烈婦行烈婦哭罵賊怒殺之并殺其二子一女及幼婦何氏楊氏男女死賊難者凡七人

楊烈婦家何所漢陰廳北青泥渚不受賊脅哭聲巨鐵心生不畏疆禦天不可違賊可拒嗟哉賊來吾語汝妾姑被傷神已沮夫兄之血亦漂杵一家六口死酸楚妾夫遠出不知處妾今不死奚延佇幾見祥麟下匹鼠人皆俯從婦齟齬視死如歸女張許吁嗟婦如柱下礎撐支綱常維千古青泥之河無沙嶼清水涓涓向東去

二烈婦詩 有序

張鵬翮

二烈婦者張氏來仁妻來氏李富妻俱安康縣越梅舖人嘉慶三年四月避白蓮賊於尖山寨寨陷懼汚俱投死

尖山寨勢崔嵬架肩攀堞來虎豹地險可守心不諧傷哉淫毒及裙釵猗烈婦張與來清臺遺軌俱能懷白璧不受蒼蠅沈雙雙攜手投崩崖雖碎骨實全骸多謝文姬玷伯喈千秋閨範誰可儕奉天寶氏有二娃

郭烈婦詩 有序

張鵬翀

烈婦余氏安康縣牛蹄西舖武生郭士英之妻嘉慶五年十月烈婦抱甫睥子避賊羅半年於嵐河東岸欲齊無舟遂投水死

驀地起干戈抱子走山阿山阿行盡水滄沱欲濟無舟可奈何

為我謂嵐河安心本無波濁浪鯨鯢欲溷娥忍死須臾玷難磨妾將借爾作汨羅魚腹可葬志難奪妾知之死矢靡它

哀諸生胡兆榮夫妻慘死賊難 有序

張鵬翀

兆榮洵陽縣諸生嘉慶五年二月同妻高氏被賊伍懷智執之時賊令不殺文生將縱之有識榮者謂其嘗團勇屢挫我請斬之懷智約曰後勿復爾當縱汝榮曰吾語不誑今既被執惟有死而已苟得不死當倍集義勇必食肉寢皮而後已賊怒束夫妻相背懸樹枝以火炙死

將團勇捍賊以保吾之鄉乎抑袖手旁觀漠視鄰里之戍乎將為朝廷敵愾乎抑受膠庠唾棄乎將行吾志以靖劫掠乎抑遵賊約束以求苟活乎將昂昂若晉文答楚以為

上國吐氣乎抑栗栗如哥舒伏地以長羣雄之志乎將倍集義  
勇直言不諱乎抑少挫吾鋒首尾兩畏乎將為鴻雁並翔乎抑  
為野雞偕藏乎將同受炙以全吾之歸乎抑思瓦全以損  
國之威乎將同享春秋之燎乎抑徒受兵燹之擾乎

哀陳秀闔門死白蓮賊之難有序

張鵬粉

陳秀湖南寧湘縣人僑居白河縣關兒口嘉慶四年  
月間賊至與姪正順姪婦鄧氏林氏婦張氏暨二姪女  
一索相牽同避之且以死誓不得一人從  
賊比遇賊迫脅不從一家七人均被殺

見說白蓮來掠申誠家人聽約者番禍福難知行止七人一索  
如其警與賊逢取義聚墳溝壑白珩楚寶來秦勿使其光銷錄  
一人不許失身玷我家風清疇誰知天道茫茫陷阱一家全落

哀哉靡一偷生

聖化於焉炳燦嗟伊覩面事仇何代無賢受爵

輓從九品葉奇珍團勇禦賊慘死歌有序

張鵬粉

奇珍安康縣恆口舖人嘉慶二年五月白蓮賊張漢潮  
至珍率鄉人欲禦之以眾寡不敵悉散去適被擄至賀  
家壩賊愛其魁梧百計招降珍知不能立脫伴諾之適  
有賊監子會為珍麾下勇者仍以首領尊事之賊問故  
監以前事告賊怒檣  
珍口以沸湯沃死之

白蓮兮沸鼎相煎兮太甚羗探湯兮益熱誰抽薪兮為梗繫葉  
君兮被執賊誘降兮佯允冀乘間兮脫身制賊祲兮不逞有覽  
子兮甚駭執卑禮兮維謹賊心訝兮亟詢曰前日兮首領團勇  
兮殺賊賊聞兮心警怒郭倪兮枕戈油潑火兮燄猛鳴鏑兮吾

身沃湯兮子頸橈齧兮灌喉質珠兮相引真鼎鑊兮如飴潰修  
幹兮俄頃嗟蝸蟻兮沸羹何秉心兮殘忍悵千里兮炊絕嘆炙  
手兮可凜徒執熱兮誰能腹彭亨兮怏怏君之事兮未成君之  
志兮可憫過君墓兮成式之哀成仁兮從九品

輓諸生楊三鳳死白蓮賊難有序

張鵬翮

三鳳安康縣新建舖諸生嘉慶二年五月遇白蓮賊張漢潮脅之從知不可脫奪賊矛刺斃一賊被眾賊圍殺之  
楊三鳳遇賊眾惜我青青衿不肯為賊用丈夫抵死神豪縱奪  
矛刺賊賊負痛羣賊殺我我不慟我拚一死學校重

輓諸生馬正本諭白蓮賊死難歌有序

張鵬翮

正本安康縣鳳凰舖諸生嘉慶二年五月白蓮賊張漢潮之來正本聞報不之信正執卷吟哦聞賊猝至侃侃

以大義導之賊黨有是其言者忽一賊劈面一刀殺之其姪秉良奔救亦被殺

悲哉馬君之夷坦兮竟訝賊耗為誕也開卷長吟琅琅兮不意  
賊入吾閩也謂世際乎

重熙兮國家於汝何損也乃弄戈於潢池兮俾生民詈汝為反也  
將效螳臂當轅兮抑取泰山壓卵也苟去逆其效順兮即今改  
絃未晚也感清夜之鐘聲兮咸首肯其悃欵也忽一賊惡其黨  
搖兮鸞刀揮於劈面也悼奔救之并屠兮怒竟遷及小阮也嗟  
君子之信脩兮乃欲化及瘖犬也譬拋水之投石兮無怪激之  
仍返也繫高山有此佳士兮可知

國恩及遠也顧君名而思義兮真無慚乎正本也

執諸生王嘉興諭白蓮賊慘死歌 有序 張鵬翀

嘉興安陸縣團山舖七十五歲老諸生也嘉慶二年五月與白蓮賊張漢潮之黨遇諸門教以去逆效順賊罵之嘉興遂厲罵賊縛之畏以棉漬油如燭倒束於樹焚死之

繁老年如秉燭光陰速兮師武公之德隅彌好學兮倚門巷以逍遙來張角兮述

聖德如醍醐沐優渥兮何正路而不由入衰曲兮譬羝羊之觸籬自局促兮幸迷途其未遠急轉轂兮果蕩穢而滌瑕禍轉福兮詎讜言之不納翻肆辱兮謂老詩之言耄殊齷齪兮豈高年而忍尤不報復兮觸瘼狗之狂齧禍來酷兮畏老人以木棉樹倒束兮漬徧體以脂膏然煜煜兮謂風燭之喻老俾真燭兮傷烈

魄之光明如焚玉兮失漢上之一燈百身贖兮歎全歸於一炬炳史蹟兮生忠義之油然為士鶴兮

輓張動諭白蓮賊死難歌 有序 張鵬翀

動安陸縣越梅舖民嘉慶三年四月間賊耗豫日諭家人避之遲賊至聲色俱厲諭以大義被擄矛刺死

唐虞世兮頑民肆繫食毛兮誰之賜將遲賊兮諭以義  
唐虞世兮政不苛先疇服兮茂嘉禾何損爾兮比爾戈  
唐虞世兮教在寬舊德食兮樂考槃何害爾兮稱爾干  
唐虞世兮民嬉游陳大義兮言無尤何負爾兮攢我矛

輓諸生熊廷玉罵白蓮賊死難 有序 張鵬翀

廷玉安陸縣越梅舖諸生嘉慶五年四月遇白蓮賊冉文儔之黨脅之降厲罵不屈被叢矛刺死

國家重士士無價何物妖人敢屈下千秋月水漲濺聲如聞先  
生極口罵

哀劉知幾遇白蓮賊慘死歌 有序

張鵬翀

知幾洵陽縣青山舖民嘉慶五年三月被白蓮賊徐漆  
德擄入營斷髮縱之幾口毀傷髮膚何顏旋里遂奪刀  
欲罵被羣賊圍縛之割耳使啖幾曰父母遠體可啖之  
不可使汝毀之獨恨吾不及見汝犬彘食之耳賊怒以  
油漬囊  
裹焚之

身體髮膚兮不敢毀傷第可保於冰淵兮不能保於豺狼處士  
死於火兮優於人之死於兵死於兵或血腥兮死於火乃光明  
兮

哀覃石匠遇白蓮賊死難有序

張鵬翀

石匠山西河津縣人莫知其名倚居洵陽張家耳嘉慶  
五年三月遇白蓮賊伍懷智以其膂力過人雷用之石  
匠不答拾得木棒擊之  
賊死被羣賊圍殺之

元祐安石匠以不忍誣善傳其名洵陽覃石匠以力思除惡軼  
其名入固有幸有不幸况乎一生一舍生能不使千秋忠義士  
激昂太息張家坪

哀諸生梁雍父子死白蓮賊難 有序

張鵬翀

梁洵陽縣老諸生嘉慶五年三月白蓮賊伍懷智將至  
塞日吾旦夕殘喘不能負戈殺賊豈避賊耶萬一諭以  
利害能回狼子野心其有補於生民也多矣子克化泣  
諫不從而賊猝至塞南面坐開陳順逆語極切賊不聽  
驅克化覓履鞞肉米免父死塞喝止曰吾亦博土  
弟子員死賊幸也汝若賄賊亦賊矣父子遂同被刺死

不能負戈兮草莽有愧遲彼白蓮兮論以利害苟回狼心兮其



益甚大少答

聖化兮不辱釋菜何國狗之瘞兮不顧而吠勒子衣食兮許爲  
父貸父亟喝止兮兒母言昧父果死賊兮於心則快兒毋誤父  
兮治命是廢陷父不義兮坊表自壞吁嗟殂矣兮子孝父介各  
立其極兮不負覆載過墓式禮兮清酒分酌洵水滉滉兮千秋長喟

哀諸生王輔父子死白蓮賊難有序

張鵬翀

輔紫陽縣高坪河老諸生嘉慶五年五月間賊耗衣寇  
危坐同子維含遲賊至指陳順逆剖晰禍福賊不應輔  
遂厲罵賊殺之維  
含哭救亦被殺

我欲化鷓鴣爲鳳兮云不我可悵門前無繒緞兮曷能慰我哀  
長鳴於樹陰兮有子來和

哀舒士林李思珍遇白蓮賊慘死歌有序

張鵬翀

二人均石泉縣饒峯里民嘉慶三年三月士林被白蓮  
賊阮正通脅降大罵不屈凌遲死四年二月思珍遇張  
漢潮愛其魁梧令數賊昇至營中誘之  
降珍拾鐵掛擊倒數賊被賊以火鎗斃之

饒峯之秀高摩天饒峯之民性如山生成忠義窮益堅慷慨相  
承光史編嘉慶戊午巳未間阮張二賊恣蔓延殺人直如刈草  
營焚掠過處皆靡然二公撐持相後先皎若污泥生雙蓮次第  
被賊禮數寬百計招降不受憐舒公大罵李拾掛各吐正氣吞  
兇頑一死麥犀一鎗殲英魂毅魄堪齊肩可惜勦賊失二賢得  
之早可靖戈鋌猶幸太守勤翰軒謂葉健菴先生聞之  
九重薦茅荃表章先哲厲少年如表之正如衡縣互將忠義相磨

研風俗長如太古前吁嗟乎風俗長如太古前不負靈秀鍾山

哀平利二義士罵賊慘死歌

有序

張鵬翮

馬京選平利縣白土關歲貢生嘉慶二年九月以義諭賊鞭之選聲色俱厲責其不應叛逆被磔之時同里李廷蔚勇而知義武生也持矛殺數賊被執脅從大呼曰汝不聞忠義李秀才名平罵不絕口賊亦磔之哀哉平利二義士也搜賊鋒些雖文武之誅途同一惊些事未成而慘死樹芳蹤些我欲傳以播世淚填胸些忽拈毫欲奔赴如馳驄些知魂來於紙上欽英風些馬重席於金華注明經些將司鐸以教士作儀型些思撥亂以反正坐中庭些陳利害而靡靡不我聽些翻鞭箠之交下掠吾形些爰舌誅其叛逆遭上

刑些李百步能穿楊列上庠些猗技優而有勇且知方些持蛇矛以決盪賊胥戍些條一嘯而圍執牀之降些觸忠義之秀才罵豺狼些亦遭磔於毒手為

國殤些繫白土之二士均忠義些惜短馭其長材不在位些同報國以捐軀行其志些看殺賊之鬼雄復為厲些噓凜凜之陰風殲醜類些嗟偃仰而棲遲學何事些

張孝子歌

洵陽人負母遇賊所以身代賊感其孝

董詔

青犢黑山捲地來櫻鋒棄毒大壑哀哺烏幾見脫鷹隼委谿每聽哭蒿萊力田養母張孝子稷鉏情不諳經史拾葚方竭寸草心焚林遽見萑苻起竊負而逃陟嶙峋磨牙狹狹已蜂屯豈憚

制梃消塘沸惟憂戈鋌鳴吾親國狗之瘼無不噬相逢敢作生  
還計但祈身殺母可活刀鋸直作笑談視嗚乎盜賊誰無愛三  
年感此純孝共戚然封刀贈糧導之去相隨流離盡安全茫茫  
史册千年後江革蔡順誰復又不日禍變見孝思豈識  
聖化淪浹厚顧此孤將至性攄豈望大書復特書聊編遺事繼  
里諺爲候觀風使者車

